



新刊監本冊府元龜卷第一百三十六

帝王部一百三十六

慰勞

周禮小行人之職國師役則犒之所以省卹罷勞激勵壯武也  
詩云我姑酌彼金罍維以不永懷又以均錫宴飲昭示慈惠也  
自小雅之作厥義彌著施及後世斯可槩舉若乃遣師徂征宿  
兵在野邊候方警戍守斯久迨夫弔伐弭寧振旅凱入則必親  
迺戎輅巡省和門亦復臨遣將臣申諭恩旨是古者撫士慰下  
勞還勤歸之道也至於敦諭反側綏懷寇亂安緝降附案覆註  
累成政之大者良可述焉

周文王為西伯之時以殷王之命命將帥遣戍役以守衛中國



故歌采薇以遣之出車以勞還杖杜以勤歸又使臣以王事往  
來於其職於其來也陳其功苦以歌樂之故作四牡詩

漢高祖初為漢王二年十一月自廣武之間西入關至櫟陽存  
問父老置酒留四日復如軍

文帝六年匈奴大入邊以宗正劉禮為將軍軍霸上祝茲侯徐  
厲為將軍軍棘門以河內守周亞夫為將軍軍細柳以備胡帝  
自勞軍

魏明帝景初二年司馬宣王為大尉帥師討公孫文懿于遼東  
既平天子遣使者勞軍于薊

齊王正始二年司馬宣王破吳軍追至三州之所又萬餘人收  
其舟船軍資而還天子遣中侍勞軍于宛

嘉平三年司馬宣王帥中軍至并城縛王陵以歸京師天子遣  
侍中韋誕持節勞軍于五池

高貴卿公甘露元年七月安西將軍鄧艾大破蜀大將姜維於  
上邽詔曰兵未極武醜虜摧破斬首獲生動以萬計自頃戰克  
無如此者今遣使者搗賜將士大會臨饗飲宴終日稱朕意焉  
陳留王即位使侍中衛瓘慰勞河北

晉武帝大康元年三月龍驤將軍王濬平吳詔遣使者勞濬軍  
又遣兼侍中張側黃門侍郎朱震分使揚越慰其初附

穆帝永和十年桓溫北伐進至霸上符健以五年入深溝自固  
居人皆安堵復業持牛酒于路者十八九耆老感泣曰不圖今  
日復見官軍初溫恃麥熟取以為軍資而健芟苗清野軍糧不

屬收三千餘口而還帝使侍中黃門勞溫於襄陽  
海西公太和四年桓溫北伐至方頭為慕容垂所敗溫甚耻之  
提歸罪於袁真表廢為庶人真誣已據壽陽以自固潛通符堅  
慕容暉帝遣侍中羅含以牛酒犒軍於山陽使會稽王昱會溫  
于涂中  
簡文咸安二年詔曰吾承祖宗洪基而昧於政道懼不能允釐  
天上克隆先業夕惕惟憂若涉泉水賴宰輔志德道濟伊望羣  
后謁誠協契斷金內外盡翼贊之規文武致匪躬之節莫因斯  
終終克引濟每念干戈未戢公私疲悴藩鎮有疆理之務征戍  
懷東山之動或白首戎陣忠勞未叙或行役彌久口石靡儲何  
嘗不昧旦晨興夜分忘寢雖未能撫而巡之且欲達其此心可

遣大使詣大司馬并問方伯逮於邊戍宣詔大擧求其所安入  
籌量賜給悉令周普

孝武大元八年謝玄謝恢桓伊等破苻堅詔衛將軍謝安勞旋  
師于金城

後魏孝文太和十七年十二月帝罷南巡伐省六軍

宣武正始三年四月詔遣使者巡撫北邊首庶

永平元年鎮北將軍李平討京兆王愉於冀州既平宣武遣兼  
給事黃門侍郎秘書丞元梵宣旨慰勞

孝明孝昌元年徐州刺史元法僧叛入於梁梁遣其豫章王蕭  
綽入據彭城時安豐王延明為大都督大行臺率臨淮王彧等  
衆軍討之既而蕭綽降附徐州清復遣散騎常侍常景兼尚書



持節馳與行臺都督觀機部分時尚書令蕭寶寅都督崔延伯  
都督北海王顥都督車騎將軍元常芝等並各出持詔軍首軍  
宣言勞問  
又撫軍將軍兼行臺尚書源子雍破賊大破蕭寶帥乞單步明  
提於曲沃堡帝遣書勞勉之子雍在白水郡復破阿非軍於白  
水郡多所斬獲詔遣侍中尚書令城陽王徽於潼關宣言慰勞  
廢帝普泰初以李裔為持節散騎常侍安北將軍兼事給黃門  
侍郎慰勞山東大帥

出帝永熙三年五月丁酉帝幸華林都亭集京畿都督及軍士  
三千餘人慰勉之

後周太祖為西魏相國大統八年十月北齊神武以衆攻玉壁  
城晉州刺史韋孝寬拒之苦戰六旬神武夜遁太祖嘉孝寬功  
令殿中尚書長孫紹遠左丞王悅至玉壁勞問授騎大將軍  
武帝保定四年十月詔大冢宰護等伐齊丁卯幸沙苑勞師癸  
酉還宮

建德五年東伐十二月次於晉州初齊攻晉州恐王師卒至於  
城南穿壑自喬山屬於汾水庚戌帝帥諸軍八萬餘人置郡東  
西二十餘里帝乘常御馬從數人巡陣處分所至輒呼主帥名  
姓以慰勉之將士感見知之恩各思自勵

隋煬帝以仁壽四年即位八月并州總管漢王諒反詔左僕射  
楊素并周道行營總管討平之帝遣素弟修武公約齊手詔勞  
素曰我有隋之御天下也于今二十有四年雖復外夷侵叛而

內難不作修文偃武四海晏然朕以天不御恤在夜踈天叩地  
無所建及朕本以藩王謬膺儲副復以庸虛慕承鴻業然天下  
者先皇之天下所以戰戰兢兢弗敢失墜况夫神器之重生民  
之大哉賊諒苞藏禍心自幼而長羊質虎皮假託名譽不奉國  
諱先圖叛逆違君父之命成莫大之罪誑惑良善委任姦回稱  
兵內侮毒流百姓私假署置擅相謀戮小加大少凌長民怨神  
怒衆叛親離為禍不同歸於亂朕寡兄弟猶未忍言是故開闕  
門而待寇戢干戈而不發朕聞之天生蒸民為之置君仰惟先  
帝每以予民為念朕豈得枕伏苦盧顛而不救也大義滅親春  
秋高義周旦以誅二叔漢啟乃戮七藩義在茲乎予不獲已  
是以授公戎律問罪大原且逆子賊臣何代不有豈意今者近出

家國所歎荼毒甫爾便及此事由朕不能和兄弟不能安蒼生  
德澤未引兵戈先動賊亂者止一人塗炭者乃衆公非惟寅畏  
天威亦乃孤負衛屬薄德厚耻愧乎天下公乃先朝功臣勲庸  
克茂至如皇基草創百物惟始便匹馬歸朝誠識兼至汴部鄭  
州風捲秋揮荆南塞北若火燎原早建殊勲夙著誠節及獻替  
朝端具瞻惟允爰弼朕躬以濟時難昔周勃霍光何以加也賊  
乃竊據蒲州關梁斷絕公以少擊衆指期平殄高壁據嶮抗拒  
官軍公以深謀出其不意霧廓雲除冰消瓦解長驅北漠直趨  
巢窟晉陽之南蟻徒數萬諒不量力猶欲舉斧公以稜威赫討  
發憤於內忘身殉義身當矢石兵刃斲加魚潰鳥散僵屍蔽野  
積甲若山諒逆守窮城以拒鈇鉞公董率騎勇四面攻圍使其



欲戰不敢求走無路智力俱盡面縛軍門斬將搃旗伐叛柔服  
元惡既除東夏清晏嘉庸茂績于是乎在昔武安平趙淮陰空  
齊豈若公遠而不勞速而不捷者也朕殷憂諒闇不得親御六  
軍未能問道于上庠遂使助勞於行陣言念於此無忘寢食公  
乃建累世之元勳執一心之確志古人有言曰疾風知勁草世  
亂識忠臣公得之矣方乃銘之常鼎豈止書勲竹帛哉功之克  
諧哽歎無已稍令公如宜軍旅務殷殊當勞慮故遣公弟指宣  
朕懷迷塞不次素上表陳言曰臣自惟虛薄敢憚助勞卿相之  
誠心委竭輕塵集嶽功大人微徒以南陽間里凡沛子弟高位  
重爵榮顯一時遂復入處王朝總侍戎政受文武之奇預惟懼  
之謀豈曰才能寶由恩澤欲報之德義極昊天伏惟陛下昭重  
日之明養繼天之德收臣於疎遠照臣以光暉南  
書春宮奉肅成之旨然草木無心尚榮枯候時只上有心自效  
無路晝夜徊徨寢食生惕常恐朝露奄至虛負聖恩賊諷苞藏

禍心有自来矣因幸國衰便肆凶逆與兵晉代搖蕩山東陛下  
拔臣于下流授臣以戎律蒙心目之寄稟平亂之規蕭王赤心  
人皆為死漢皇大度天下爭歸袂寇廓清豈臣之曲蒙使臣  
弟約齋詔書問勞高峻筆有若天臨洪恩大澤同海運  
唐高祖初為唐王隋義寧二年四月勞東都旋師於長樂宮  
武德元年十月遣右武侯大將軍龐王率兵西討帝幸開遠門  
勞將士而還  
十月秦王征薛仁果凱旋帝享勞旋師  
三年四月秦王平并州帝遣司農卿辜雲起勞軍  
四年三月益州道行營僕射竇執率兵擊東都帝引其將校五  
百人宴賜而遣之  
四月皇太子討張長遜迴班師帝於玄武門宴勞將士賜帛各  
有差

五月王世充降遣尚書右僕射裴寂持節勞軍又遣侍中陳叔  
達齎百牢上罇酒醢勞秦王於近郊  
五年十二月皇太子與劉闢戰於城下破之闢抽軍北遁詔尚  
書右僕射裴寂馳往勞之

六年十月秦王屯并州以備突厥及班師帝迎勞於志武頓  
大業貞觀十六年遣安西都護郭孝恪代焉耆虜其王蓋龍突  
騎帝大悅璽書勞之曰知破焉耆虜其偽王功立威行深副所  
委但焉耆絕域地阻天山特遠憑深敢懷叛逆卿望崇位重報  
効情深遠涉沙場恭行罰罪取其堅壁曾不崇朝再廓遊魂遂  
無遺緬想竭力必大艱辛超險成功深足嘉尚

十九年帝征遼二月李勣所領衆頓於幽州詔遣令通使舍人  
盧師讓齎璽書詣軍中勞勉之將士咸悅

二十年六月平薛延陀詔曰朕聞獯獫強暴歷代憑陵結晦闕  
都疑氣大漢家山宅野時獸聚而禽分幕毳盧氈乍之人而三  
塞退因利飽進為財饑前王弊其貪殘中夏憚其存食然而三  
策慮非為禦寇之方千里長城豈謂靜邊之計故以百王靡服  
千古不實種落寔繁姦革孔熾武德之際欽馮渭濱貞觀之初  
敢恣凌逼朕載懷慷慨命將出師旗鼓一臨沙漠大定涇陽  
之周耻報白登之漢讎截瀚海以開池籠天山而築苑其餘醜  
類自己羈縻勞我邊陲軫余遐念將奮鉄鉞受命上去延陀惡  
禍今日夷滅醜徒內潰凶黨外離契必送款未降其餘相率歸  
附唯僕骨肉羅猶懷假息氷消電碎匪夕伊朝豈朕威恩所壞



故乃蒼旻之惠觀賊此勢何能自全今不乘機恐貽後悔故欲  
暫往靈州親自招才安邊靜亂下固吐基一執同文永弘家乘  
使萬里之外不有半烽百郡之中猶無一戍永絕鎮防之役豈  
非黎元樂天雖復去歲東征士馬倦勞甫旋京邑曾不踰年今  
秋復行理多疲頓但以良藥善口非病者甘之斯皆忍小患而  
成大美就輕害而得殊功朕積疾累時今尚虛憊必欲率病就  
路以赴天機百辟庶士幸無辭也遼東從兵皆不差發布告天  
下悉朕意焉

二十二年三月庚戌遣通事舍人韋輝往使歸兵道行軍宣慰  
士衆是年右武侯將軍梁建方擊松外蠻破之其帥盛遂稽六  
請降遣首領十人來謁軍門建方二旅而還及至帝曰其勤舌

賜以上四

高宗永徽四年十月以睦州女子陳碩貞率衆反揚州長史房  
仁裕平之詔刑部尚書唐臨馳傳按覆被誣誤者悉免之人吏  
為賊所殺者官為殯斂

龍朔元年遼東道行軍總管蘇定方拔百濟之貞都城其王義  
慈降遣右衛郎將王文庶齎璽書慰勞定方已下將士及百濟  
百姓各令安堵如舊有財者節及錄用若能便經畧高麗者委  
定方揀擇將士可否聞奏

玄宗開元三年三月遣兵部員外郎王上客刑部員外郎楊欽  
明等分往諸軍宣慰將士  
四年十二月命衛尉少卿李暉齎璽書慰勞朔方降戶

九年九月詔曰如聞益夏兩州百姓及六州胡等被胡賊殺掠宜令御史韓朝宗皇甫翼璽書分往慰問使覆數損其被損之家務令存恤應須給貸蠲免量事處置訖迴日奏聞

十二年七月以黔州道招討使內侍楊思勗討溪州賊帥有功持加輔國大將軍兼內侍祿俸防閑一事已上並依品級宴思勗以下立功將士于朝堂謂曰蠻夷不道賊害平人卿等謁誠一舉而定窮深盡險罔不率從往返若飛當甚勞弊各賜卿少物宴畢領取

十五年涼州都督王君奭破吐蕃凱旋置食朝堂宴之及將士等並賜物有差帝謂君奭及將士等曰吐蕃小醜敢懷逆命輒窺亭鄣以逞凶狂卿等智勇夙彰軍威克振終整旗鼓屢剪渠

魁深入寇庭當甚勞耳

十六年二月乙未令朔方節度副大使左金吾衛大將軍信安郡王禕宣慰嶺南

二十六年十月壬申命侍御史陳繇使于劔南安戎城宣慰將士勅曰吐蕃醜類背約孤思卿等同嫉寇讎為國長效深入賊境久冒艱危至於勤勞豈不知委頃聞在彼小有喪敗卿等非不盡力自是主將無謀古之用兵在於責帥王昱緣此亦已貶官卿等但須悉心不可因慈沮氣逸相激厲以保功名戰亡之人深可憫惜並申弔祭用慰幽魂其病斃及陣亡之家宜悉陳繇與州縣相知優恤

天寶十四年十一月命榮王琬為元帥東征安祿山帝御勤政



樓宴將士

肅宗至德元年十月皇弟穎王璪陳王珪自蜀至上皇有詔慰問朝臣及將士等

代宗寶應元年冬以初平河朔拜宗正少卿李涵左庶子兼御史中丞河北宣慰使

廣德二年正月以尚書右丞顏貞卿為刑部尚書兼御史大夫充朔方宣慰使

永泰元年七月遣尚書左丞李涵以本官兼御史大夫使于河北道宣慰

大曆二年九月詔曰河朔一隅地方千里外捍夷狄內轄成閭撫勤王之師脩任土之貢顧其方鎮可謂崇重眷我侯伯是有

勲勞且將相朕之股肱兆庶君之支體事同休戚寧忘鑒寢思

揆巡而未獲念征鎮而永懷爰命宗臣往申旨諭銀青光祿大

夫行尚書左丞襄武縣開國公李涵朕之茂親腹心攸寄純固

所以致命文質所以經邦溫恭禮讓誠信易直勵匪躬之節秉

憂國之心美其公才當所委任再令宣撫皆合事宜既述謙誠

之詞兼陳理化之績慰我憂念意甚嘉之今秋冬在候僮戍動

止將校有介冑之勞黎元有稅賦之役代予親問詔爾使臣仍

兼副相之勞式重登車之務可兼御史大夫充河北道宣慰使

三年六月命兵部侍郎李涵兼御史大夫充河北道宣慰使以

幽州之難故也

六年八月命左散騎常侍孟皞使河北道宣慰

八年八月辛未幽州盧龍節度觀察等使檢校左散騎常侍幽州大都督府長史朱泚遣弟滔領防秋兵馬五千騎至自幽州詔登六軍將士千餘騎迂于國門許便道由皇城南面出開遠門赴涇州行營命有司大置酒於開遠門宴慰遣之騎卒精銳寇絕諸軍道路觀者如堵

十年正月命內侍孫知古使於魏州宣慰因曉示田承嗣各守封疆

德宗建中四年遣太子太師顏真卿宣慰淮寧節度使李希烈十二月帝在奉天加給事中孔巢父兼御史大夫淄青宣慰使以潼關防禦鎮國軍使華州刺史董晉為國子祭酒兼御史大夫河北宣慰使

興元元年正月帝在奉天以兵部員外郎李克兼御史中丞諸莫宣慰使

四月帝在梁州以屯田郎中沈房為大常少卿兼御史中丞諸蕃計會及安西北庭宣御史

六月乙巳詔曰朕獲承先顧付以大器懼德不類貽列聖羞虔恭惕厲罔敢暇逸將期布令齊一致俗和平然而誠信未孚衆心遂阻理化乖當百度失中君臣之間鬱堙不達致寇雖深於罪已興戎尚昧於省躬思靖亂以濟人反勞師而黷武行者被殺傷之善居者重齎送之勤四海騷然靡有寧處京邑之下杼軸亦空環列之中徵發靡息略內以勤遠居安而忘危賊臣誘姦乘間竊發付狼穢於宮闕士庶陷於塗炭作威肆毒仇視我



人萬姓嗷嗷呼天無告有隕路以抗節有脅從以假命且一夫  
不獲辜實在予况君臨萬方作人父母既不克以覆育又從而  
咎之其心愧耻一食三歎出舍內省介於梁岷庶乎有廖以答  
遣戒皇天悔禍社稷降靈腹心瓜牙奮謀宣力元惡稔惡脫身  
遁逃餘孽拒威所向摧殄掃氛沴而闕閭闔翦鯨鯢以清郊原  
函夏載寧室家相慶非我将相夾輔王室卿士交脩予違軍旅  
協心畢命盡敵豈伊寡昧克復興運戡定大難念之感懷宜令  
吏部侍郎班宏克克宣慰使問將士撫諭蒸黎必躬必親如朕  
臨蒞朕整法駕即日還京策勲行賞大報忠烈銘功百代與國  
同休然請罪祖宗不敢自蔽宣布中外明朕意焉

七月命給事中兼御史大夫孔巢父宣慰河中李懷光

貞元元年六月以兵部侍郎李紆宣慰於河東諸軍中書舍人  
齊映宣慰于朔方河中同絳陝等州諸軍兵部尚書崔漢衡宣  
慰于幽州

二月四日李希烈平命尚書左丞鄭叔則往淮西宣慰詔曰自  
希烈叛命于今五年王澤不通下情亦阻所宜宣我信命以釋  
危疑敷我和惠以慰傷瘵滌清汙俗誠與維新底綏一方以稱  
朕意

十六年七月以徐州張建封卒其子悟為將校所迫俾領軍務  
詔擇臨難不攝者即其軍以諭之遂命吏部員外郎李鄴為宣  
慰使

憲宗元和元年正月庚午詔萬年縣令薛丹為赴彰義軍宣慰

二年八月戊寅命給事中房式充幽州成德義武等軍宣慰使  
時三節度劉濟王士貞張茂昭各持宿嫌交惡聞於朝故有是  
命

四年八月命京兆少尹裴武宣於鎮州

十二月以大府卿鄧泳為東道行營諸軍宣慰使左武衛大將  
軍田景度為北道行營諸軍宣慰使

十年正月丙戌以左羽林軍李文通為左金吾衛將軍兼御史  
中丞充壽州宣慰使

十一年五月丁亥易定節度使渾錫以累敗成宗之衆上聞即  
日命使宣慰

六月庚子命給事中柳公綽宣慰於淄青左補闕張宿為判官

八月命尚書左丞許孟容宣慰汴宋陳許河陽行營諸軍

十一月己巳命禮部員外郎張宿隨唐等州軍

十三年正月庚寅命諫議大夫張宿往淄青宣慰李師道以起  
居舍人庚敬休為副宿至東都暴卒命左常侍李遜宣慰於淄

青仍依前以庚敬休副之

十四年二月壬戌魏博田弘正奏淄青克鄆十二州平詔戶部  
侍郎楊於陵以本官兼御史大夫充淄青宣慰使

六月癸酉制曰周禮政官之屬掌導王志以巡天下之邦國况  
六郡統臨二邊縣邈居必申傲動當攝懷自頃東夏有虞近郊  
多壘沙朔之外剪為寇戎亭障烽櫓之嚴遐張塞下使譯道途  
之要遠屬惶中今妖氛甫清師旅方息思欲肅開隴之右地制



昆夷於盛秋而慮思無見糧卒有虛籍之守禦之全備積怨歎之餘音臨軒永懷宜俾宣導非夫忠良練達文武兼資信厚足以得人心恪恭足以奉王事則何膺茲選任布我憂勞至於間戎役之勤詳山澤之要稽軍實之名數計饋餉之盈虛宿弊有未除衆情有未達兵機虜態一以上聞莫在此行所至循拊宜令左金吾衛大將軍兼御史大夫胡証充京西京北巡邊使所經過州與節度防禦使刺史審量利害具事實聞奏因程昇之請也

穆宗以元和十五年正月即位二月命監察御史楊虞卿盧周仁高銖路羣分往京西京北監賞設將士

十月成德軍節度王承宗卒弟承元密獻忠款命起居舍人栢耆往鎮州宣慰

十一月命諫議大夫鄭覃往鎮州宣慰以起居舍人王璠副之長慶元年正月丁巳以京兆府司錄參軍溫造為大原鎮州等道宣慰使以王承元請入朝也

二月辛未命給事中韋弘景為容州邕州安南宣慰使監察御史杜周士副焉

九月辛亥遣太子中允兼侍御史李察往幽州宣慰二年正月命太子中允李察宣慰深州及魏博行營以鎮州兵亂殺節度使田弘正而牛元翼不從亂固守深州也

二月詔靈鎮州王廷湊仍令兵部侍郎韓愈充宣慰使又命戶部郎中崔護宣慰於昭義軍時劉悟為昭義節度監軍劉承偕

頗恃恩權嘗對衆辱悟又縱其下以亂法悟不能平異日有中使至承偕宴之請悟悟欲往左右皆曰往則必為困辱矣軍衆因亂悟不止之遂擒承偕至于門殺其二僕欲併害承偕悟救之獲免故有宣撫之命

七月甲寅命司勳郎中崔護均王府長史李彥璋分往昭義魏博兩道宣慰又以汴州李承勣命光祿少卿李察宣慰汴州

文宗大和元年十一月天平橫海等節度使烏重裔卒命吳守志宣慰於鄆州仍領繒帛五萬匹就賜軍士以鄆師新歿撫而安之也

二年二月亥辛命司封郎中王彥魏博宣慰五月命散騎長侍馮宿往河南道行營宣慰以滄州李同捷拒命而諸軍進討也

七月命諫議大夫栢耆往昭義宣慰

十二月又命栢耆魏博宣慰仍與河陽滑州計會發軍使以兩處兵勢曉諭魏博將士令知赴往救之師四面皆至

三年正月命馮驢卿張賈往昭義魏博宣慰

三月命諫議大夫栢耆往德州城下宣慰

五月命給事中崔瑄往幽州宣慰中書舍人韋詢往德州宣慰四年正月勅諫議大夫崔戎宣充劔南西川宣撫使以南蠻入寇也

二月興元三軍作亂節度李絳及家並被處置訖命給事中崔瑄充山西道宣慰使戶部員外郎嚴審為副又命中使似光義逸赴興元宣慰



武宗會昌三年七月以御史中丞李回使出鎮魏三道時中書奏云秋氣已至將議進軍幽州須早取可汗鎮魏須速平劉稹又各遣使諭旨兼探三鎮軍情今日延英面奉聖旨欲遣張賈充使臣等續商量張賈幹濟有才甚諳軍中體勢然性稍直氣慮不安帖恐不如且輟李回充使若以臺綱不可暫闕即兵部侍郎鄭涯充戎鎮判軍情敏雖無辭辯言亦分明官重事閑最似相稱帝乃以李回使焉

昭宗乾寧二年十二月以前大理卿李焯為黔中宣慰使制曰將我詔命使於四方必惟其人矧乃舊服咨于輔相僉曰汝諧用之不疑行矣思濟李焯國朝名相之令嗣也文行器業雅有家風政事規為克紹先志踐履函更於中外練達深得其本根

頃黷黔江洽聞善政四年間倍五郡懷仁恩信被於昆夷盛名振於縣導彝移旌蓋往理桂林載揚休声屢著嘉績兩地遺愛萬人去思今聞黔巫易帥之時頗失睦鄰之道慮成間隙又動干戈念遠倍之無辜向中宵而不寐昇爾揆路為吾使星尚念漢池人情必懷龔遂河內風俗未忘恂宜其宣我憂動導予宵旰强者折之弱者輔之無俾黔人又遭塗炭用汝顓達膺予簡求佇其嚮聞風爾稱取殊恩好爵無所懷焉

後唐莊宗周光四年二月丁巳遣宣徽使宋唐玉往鄴都宣慰諸軍

明宗天成二年四月有內臣自荆南至云暑兩方甚兵士苦之及劉訓有疾是日差孔循徑往勞問及續賜孔循詔曰朕以荆



門伐叛方委勲臣而聞統帥榮切戎機勤劬王事致乖攝理深軫寤懷輟卿樞近之繫達我優隆之旨固於旬朔已就宣和苟事詳酌審於准節庶協籌謀料度攻收撫綏軍旅咸繫明略更集殊庸倚注之心再三在念

九月戊午北面戎上言經夏戰馬多死是日出內廐馬三百匹賜之帝猶慮邊將憂慮召來人慰諭之曰盛夏酷熱人尚多疾其况馬耶但今勉於王事無以此為恐仍以鎗劍賜其主將又曰沿路芻粟館驛相接爾慎勿擾人

三年六月命閭門使馮知古往定州犒宴將校末帝清泰元年十月壬申遣李讓勲馳騎代北犒享防邊將士三年八月詔端明殿學士呂琦往河東代諸北戎犒軍

晉少帝天福九年三月契丹寇河東帝親征駐蹕澶淵丙午先鋒指揮使石公霸遇賊數萬騎於戚城之北為賊所圍高行周符彥卿在戚城之東南方息於林下忽聞賊至駭愕督軍而進統數千騎衆寡不校行周遣人馳告景延廣清益兵延廣馳留候帝進止既而行周等為賊圍之數重三人大譟瞋目奮擊賊傷死者甚衆帝自御親兵援之前軍獲免帝登戚城南古臺置酒以勞二將

漢高祖天福十二年十月討杜重威於魏府二十日帝乘馬環城幸副部署慕容彥超尚洪千聶章周殷等營遍加撫喻衆心咸悅

十一月將伐鄴壬午車駕次長垣因賜宰臣實負固蘇逢吉蘇



禹珪李濤及從官食帝曰朕少親戎馬險阻艱難備嘗之矣公等儒臣從朕蒙犯霜露得無勞苦乎羣公蹈舞稱謝

周太祖廣順二年五月親征兗州至袁州城下於西也寨下慰勞兵士賜監押使臣茶酒  
十一月荆南上言覘知湖南事宜詔州大將劉吉十月三日以兵入長沙界十五日至潭州其淮南所署偽節度使邊鎬焚城而遁岳州偽刺史宋權亦棄城去帝遣供奉官齊藏琦乘駟往湘潭慰撫三軍將吏

三年九月涇州節度使史懿疾復作遣客省使楊廷章往知州賜襲衣銀帶纁帛詔諭彰義軍民史曰朕以史懿自鎮邊藩克勤王事眷言勲旧深副倚毗爰自近年多嬰疾苦邇來頗有發

動之赴闕尋醫既覽奏陳須議俞允已差容省使楊廷章往彼知軍州事即令史懿發米京師朕念涇州久夾瘡痍之地軍人百姓撫愛皆同今已指揮楊廷章候到日凡事倍加撫安不得輒有科率俾令衆庶皆遂蘇舒

世宗顯德元年五月親征河東丁丑觀兵于城下帝巡撫諸軍親自慰勉賜賚有差

五年四月丁丑吳越王錢俶上言四月十日夜杭州火必燒府署殆盡帝憫之遽命內臣齎璽書恤問

卷第一百二十七

帝王部

帝王部 一百三十七

旌表第一

王者甄明高義顯異至行所以激揚風化敦率人倫也蓋天下

至大士民至衆不可家諭而戶曉故顯其忠所以勵事君也褒

其孝所以勵事親也尊賢者所以聳善也表烈士所以興義也

或授之爵秩或祿其子孫或旌其門閭或賜以穀帛以至復其

征賦申以祠祀皆因事以立教獎一而勸百故能述先王度丕

變薄俗民德歸厚有耻且格蓋上行化速於置郵下之從風易

如偃草由斯道矣

周武王既克商釋箕子之囚封比干之墓裁商容之閭



惠王二十一年齊會諸侯代楚許穆公卒于師葬之以侯禮凡諸

侯薨于朝會加一等死王事加二等于是有以衰款

漢高帝五年既平項羽齊王田橫過與其客二人乘傳詣洛陽

至尸鄉自致令二客奉其頭馳奏之高帝曰嗟乎有以起布衣

兄弟三人更王臣欽若等曰三人謂僭乘及橫豈非賢哉為之流涕而拜其二

客為都尉發卒二千以王者禮葬橫

十二年十二月詔曰秦皇帝楚隱王陳魏安釐王之昭王齊愍王

宣王趙悼襄王孝威王之子皆絕亡後其與秦始皇守冢二十家楚

魏齊各十家趙及魏公子無忌各五家無忌即信陵君也令視其冢復

亡於它事初帝微少時數聞魏公子無忌賢及即天子位每過

大梁常祀公子成帝時霍光置守冢百家吏卒奉祀焉

平帝元始二年詔曰漢興以來股肱在位身行儉約輕財重義

未有若公孫弘者也位在宰相封侯而為布被脫粟之飯奉祿

以給故人賓客無有所餘可謂減於制度禮貴有常尊衣服有品而率下

篤俗者也與內富厚而外為詭服以鈞虛譽者殊科夫表德章

義所以率世勵俗聖王之制也其賜弘後子孫之次見為適者

爵關內侯食邑三百戶

後漢光武時來歙公攻孫述為刺客所中自書表訖投筆抽刃

而絕帝聞大驚省書覽涕乃賜策曰中即將來歙攻戰連年平

定羗隴憂國忘家忠孝彰著遭命遇害嗚呼哀哉使大中大夫

贈歙中郎將征羗侯印綬謚曰節侯謂者護喪事還洛陽乘輿

縞素臨弔送葬以歙有平羗隴改汝南之當鄉縣為征羗國焉



常少張隆初事公孫述少隆皆勸述降述不從並以憂死及述既滅帝下詔贈少為大常隆為光祿勳以禮改葬之其忠節志義之士並蒙旌顯

劉茂大原人為郡門下掾建武二年赤眉二十餘萬眾攻郡縣殺長史及府掾史茂負大守孫福踰墻藏空穴中得免其暮俱奔孟縣晝則逃隱夜求糧食積百餘日賊去乃得歸府明年詔書求天下義士福言茂曰臣前為赤眉所攻吏民懷亂奔走趣山臣為賊所圍命如絲髮賴茂負城踰城出保孟縣茂與弟觸冒兵刃緣山負食臣及妻子得度死命節義尤高宜蒙顯擢以厲義士詔書即徵茂拜議郎

譙玄巴郡閬中人也能說易春秋公孫述遣使者備禮徵之若不起便賜以毒藥玄受毒藥其子瑛泣血叩頭於大守奉錢千萬以贖父死述許之玄遂隱藏田野終述之世建武十一年卒明年天下平定玄帝慶以狀詣闕自陳帝美之策詔本郡祠以中牢勅所在還玄家錢

李業廣漢梓潼人也公孫述聞業賢徵之業固疾不起述羞不致之乃使大鴻臚尹融持毒藥劫業業遂飲藥而死蜀平帝詔曰表其閭里部載其高節圖畫形像

溫序為護羌校尉隗囂別將苟宇所拘伏劍而死主簿韓遵從事主忠持其屍歸歛帝聞而憐之命忠送葬到洛陽賜城傍為冢地賜穀千斛縑五百匹除三子為郎中

李善涇陽人本同縣李元蒼頭也元死惟孤兒續始生數旬背



財千萬諸奴婢欲殺續而分其財善不能制乃負續逃亡瑕丘  
界中十餘歲與歸本縣修理旧業時鍾離意為瑕丘令上書薦  
善行狀帝詔拜善及續並為大子舍人

明帝永平二年十一月遣使者以中牢祠蕭何霍光帝謁陵園  
過式其墓

姜詩廣漢人事母至孝母好江水者魚鱠夫婦力作供膾舍側  
忽有涌泉味如江水每旦輒出雙鯉常以供母膳永平三年察  
孝廉帝詔曰大孝入朝凡諸奉者一聽平之由是皆拜郎中

章帝建初七年西巡狩幸長安以中牢祠蕭何霍光

元和二年東巡狩至沛使使祠故六安郡丞桓譚家乡里以為  
榮

和帝永元三年十一月有事于上陵遣使者以中牢祠肖何曹

參肖何墓見上注曹參墓在長陵傍道北

安帝永初二年劉雄為平原令劇賊平豪等入平原界雄將吏  
士乘船追之至厭次河與賊合戰雄敗執雄以予刺之時小吏  
所輔前叩頭求哀願以身代雄豪等縱雄而刺輔貫心洞背而  
死東郡太守捕得豪等具以狀上詔書追傷之賜錢二十萬除  
父奉為郎中

元和初中鮮單數百餘騎寇漁陽太守張顯率吏士追出塞遙  
望虜營煙火急趣之兵馬掾嚴授慮有伏兵苦諫止不聽顯賊  
人進授不獲已前戰伏兵發授身被十創歿於陣顯拔刃追散  
兵不能制虜射中顯主簿衡福功曹徐福遽赴之顯遂墜馬福

以身擁蔽虜并殺之朝廷愍授等節詔書褒歎厚加賞賜各除子孫一人為郎中

延光三年幸長安以中牢祠蕭何曹參霍光

桓帝延熹三年武陵蠻寇江陵荊州刺史劉度謂者馬睦南郡大守李肅並奔走肅主簿胡爽扣馬諫止肅遂殺爽而走帝聞之徵肅棄市度睦咸死一等復爽門閭拜家一人為郎

王渙為洛陽令以平正居身得寬猛之宜元興元年病卒民思其德為立祠安陽亭

延熹八年特詔密縣存故大傅卓茂廟洛陽留渙祠焉

靈帝中平中陳寔子紀字元方遭父憂每哀輒歐血絕氣雖衰服已除而積毀消瘠殆將滅性豫州刺史嘉其至行表上尚書

圖畫百城以勵風俗

袁祕汝陽南人也為郡門下議生黃巾起祕從大守趙謙擊之軍敗祕與功曹封觀主簿陳端門下督范仲禮賊曹劉禕德主記史丁子嗣記室史張仲然等七人拔刃突陣與戰並死謙以得免詔復祕等門閭號曰七賢獻帝初即位遣使弔祠故大傅陳蕃大將軍竇武又贈射聲校尉沮俊為弘農大守旌死節也王允為司徒為李儼郭汜所害後帝遷都于許思允忠節改殯塋之遣虎賁中郎將奉策弔祭賜東園祕器贈以本官印綬送還本郡封其孫黑為安樂亭侯食邑三百戶

元尚為襄州刺史袁術將僭號欲以尚為大尉尚拒之建安初逃還為術所害其後尚喪與大傅馬日彈喪俱至京師帝嘉尚



忠烈為之咨嗟詔百官弔祭拜子瑋即中而日殫不與焉

魏大祖北征柳城過涿郡令告大守曰故北中郎將盧植名著

海學為儒宗士之楷模乃國之楨幹也昔武王入殷封商容之

閭鄭妻子產而仲尼隕涕孤到北州嘉其餘風春秋之義賢者

之後有異于人敬遣丞掾脩墳墓并致薄醪以彰厥德植仕漢

為尚書以老疾去官隱居上谷軍都山獻帝初平三年卒

衛茲字公振陳留襄邑人也少有大節不應三公之辟大祖初

至陳留茲曰平天下者必此人也大祖亦異之數詣茲議大事

從討董卓戰于滎陽而卒大祖每涉郡境輒遣使祠焉

應余為南陽郡功曹宛將侯音却射大守東里哀余以身捍哀

箭被七創而死及征南將軍曹仁討平音表余行狀并脩祭輟

大祖聞之嗟嘆良久下荊州復表門閭賜穀千斛文帝行幸自

譙過梁遣使以大牢祀漢大尉橋玄

黃初初大理王郎與大尉鍾繇連名表上主簿趙郡張登昔為

本縣主簿值黑山賊圍郡登與縣長王雋帥吏兵七十二人直

往赴救與賊交戰吏兵散雋殆見害登手格二賊以全雋命又

守長夏逸為督郵所往登身受考掠理逸之罪義濟二君宜加

顯異兼稱登在職勤勞詔曰登忠義彰著在職功勤名位雖卑

直亮宜顯褒賤近任當得此吏今以登為大宜令

即大祖初以曾表聞大祖

以所急者多未遑獎擢至是復表之乃有此命

明帝青龍中東征乘輦入故豫州刺史賈逵祠詔曰昨過頃見

賈逵碑像念之愴然古人有言惠名之不立不患年之不長達



存有忠勲歿而見思可謂死而不朽者矣其布告天下以勸將  
未

齊王嘉平中吳將諸葛恪圍於合肥新城時城中遣士劉整及  
鄭像出城傳消息皆為所執皆守節不回為其所害後母丘儉  
上言因下詔曰夫顯爵所以褒元勲重賞所以寵烈士整像召  
募通使越陷重圍冒突白刃輕身守信不幸見獲抗節彌厲揚  
六軍之大勢安城守之懼心臨難不顧異志傳命音解楊執楚  
有隕無二齊路中大夫以死成命方之整像所不能加今追賜  
整像爵關中侯各除士名使子襲爵如部曲將死事科

高貴卿公甘露二年四月詔曰立苑郡高顯縣吏民反叛長鄭  
熙為賊所殺民王簡負擔熙喪晨夜星行遠致本州忠節可加  
其特拜簡為中節都尉以旌殊行

七月車駕征北項復入賈逵祠下詔曰逵歿忠愛歷世見祠追  
聞風烈朕甚嘉之昔先帝東征亦幸於此親發德音褒揚逵美  
徘徊之心益有慨然夫禮賢之義或掃其墳墓或脩其門閭所  
以崇敬也其歸除祠堂有穿漏補治之

八月詔曰昔燕刺王謀反韓誼等諫而死漢朝顯登其子諸葛  
誕創造凶亂王隆薄宣隆部曲督秦絜秉節守義臨固爭為誕  
所殺所謂無比干之親而受其戮者其以隆絜子為騎都尉加  
以贈賜光示遠近以殊忠義

三年六月丙子詔曰昔南陽山賊擾攘欲劫質哀公曹應余獨  
身捍衣遂免于難余顛沛隕斃殺身濟君其下司徒署余孫倫



吏使蒙伏節之報

晉武帝詔曰蜀將軍傅僉在前閔城身拒官軍致命不顧僉父形復而劉備戰亡天下之善一也豈由彼此以爲異僉息著蔓後沒入奚官免爲庶人

泰始四年以東海劉儉有至行拜爲郎中

五年詔諸葛亮孫京隨才署吏

李密字令伯捷爲人也父早亡母更適人密見養於祖母蜀平後帝征爲太子洗馬密上疏曰臣生孩六月慈父見背行年四歲舅奪母志祖母劉愍臣孤弱躬親撫養臣無祖母無以至今日祖母無臣無以終餘年母孫二人更相爲命是以區區不敢遠廢臣今年四十有四祖母劉今年九十有六是臣盡節於陛

下之日長報養於劉之短日也烏烏私情願乞終養臣之辛苦非徒蜀之人士及二州牧伯所明見皇天后土實所共監願陛下矜愍愚誠听臣微志庶劉僥倖卒保餘年臣生墮首死當結草臣不勝犬馬怖懼之情帝覽表曰密不空有名也嘉其誠款賜奴婢二人下郡縣供養其祖母

惠帝永康元年詔以光祿大夫劉順誅賈謚督攝衆事有功追封梁鄆縣侯食邑千五百戶

索靖大安末爲游擊將軍領雍秦涼義兵與賊戰被傷而卒追贈大常後贈司空進封安樂亭侯謚曰莊靖

周處義興陽羨人也爲御史中丞征氏人齊萬年力戰而歿帝追贈平西將軍賜錢百萬塋地一頃京城地五十畝爲第又賜

王家近田五頃詔曰處母年老加以遠人朕每恣念給其醫藥酒米賜以終年

劉殷新興人也性至孝曾祖母王氏盛冬思董而不言食不飽者一旬矣殷時年九歲乃于澤中哭不絕聲者半月董為生焉大傳揚駿輔政備禮聘殷殷以母老固辭駿於是表之優詔遂其高志聽終色養勅所在供其衣食蠲其徭賦賜帛二百匹穀五百斛

元帝為左丞相承制以嵇紹死節事重而贈禮未副勲德表贈大尉祠以大牢及即塋賜謚曰忠穆復加大牢之祠

虞惺長沙人也與弟望並有士操譙王承之討王敦以惺為長史望為司徒督諸軍湘東太守鄭謐敦之姊夫也不順承旨遣

望討之望率一卒旅直入郡斬謐以徇四境及魏人來攻望每先登力戰而死城破惺復為魏人所執將害之子弟割之踣泣惺謂曰人生有死闔門為忠義鬼亦可恨哉及王敦平贈惺為襄陽太守榮陽太守遣謁者王墓祭以少牢

許孜東陽吳寧人也惠帝元康中郡察孝廉不起中褐終身年八十餘卒于家邑人號其居為孝順里咸康中大守張虞上疏曰臣聞聖賢明訓存乎舉善褒貶所興不遠千載謹案所領賢寧縣物故人許孜至性孝友立節清峻與物恭讓言行不二當其奉師則再三之義盡其及喪親實古今之所難咸稱殊類致感猛獸弭害雖臣不及見然備聞斯語竊謂蔡順董黯無以過之孜歿積年其子尚在性行誠慤今亦家于墓側臣以為孜之



履操世所希建宜標其令跡甄其後嗣以酬既往以獎方來春秋傳曰善善及子孫臣不達大肱請臺量議疏奏詔旌表門閭蠲復子孫

卞壺為尚書令右將軍蘇峻稱兵壺舌戰死之二子矜盱見父沒相隨赴賊同時見害矜子誕嗣咸康六年成帝追思壺下詔曰壺五朝忠恪喪身克寇所封懸遠租秩薄少妻息不瞻以為慨然可給實口廩其後盜發壺墓尸僵鬢髮蒼白面如生兩手悉拳爪甲穿達手背安帝詔給錢十萬以脩塋兆

虞潭母孫氏吳郡富春人吳大帝族孫女也永嘉末潭為南康太守植杜弢構逆率眾討之孫氏勉潭以必死之義傾其資產以餽戰士潭遂克捷及蘇峻作亂潭守吳興又假節征峻孫氏

戒之曰吾聞忠臣出孝子之門汝當舍生取義勿以吾老為累仍盡發其家僮令隨潭助戰資其所服環珮以為軍資于時會稽太守王舒遣子允為之督護孫氏又謂潭曰王府君遣先征汝何為獨否潭即以子楚為督護與允之合勢其憂國之誠如是拜為武昌侯夫人加金車紫綬潭立養堂于家王導以下皆就拜謁咸和末卒年九十五歲成帝遣使弔祭謚曰定夫人張茂妻陸氏吳郡人也茂為吳郡太守被陳允所害陸氏傾家產率茂部曲為先登以討之克敗陸詣闕上書為茂謝不剋之責詔曰茂夫妻忠誠舉家烈義宜追贈大僕

穆宗升平中慕容恪侵逼山陵時冠軍將軍陳祐守洛陽衆不過二千時有沈勃者少負志節白表求配祐効力因以勅補冠



軍長史令自募得壯士千餘人以助祐擊賊頻以寡制衆而糧  
盡援絕祐懼不能保全會賊寇許昌祐因以救許昌為名興寧  
三年留劫以五百人守城祐率衆而東會許昌已沒祐因奔崖  
塢劫志欲劫命欣獲死所尋為恪所攻城陷被執神氣自若恪  
寄而將宥之其中軍將軍慕容處曰劫雖奇士觀其志度終不  
為人用今若赦之必為後患遂遇害恪還從容言其慕容暉曰  
前平廣固不能濟辟閭今定洛陽而殺沈劫實有愧于四海朝  
廷聞而嘉之贈東陽太守子未黔為大長秋

毛寶為征虜將軍豫州刺史州陵縣開國侯守邾城石季龍遣  
將攻邾城城陷寶率左右突圍出赴江溺死穆宗詔曰寶之傾  
敗宜在貶裁然蘇峻之難致力王室今咎其過故不加贈祭之

可也其後公卿有言宝重勲加死王事不宜奪爵升平三年乃  
下詔復本封

孝武大元中功臣普被減削司空何充等止得六家守塚以故

司空興平伯陸完有佐命之勲先陪陵而塋由是持置酒興平

伯官屬以衛墓人詔曰褒功顯仁哲王令典故左尉忠穆公

也

執德高懸在否彌宣貞潔之風義著千載每念其事愴然傷懷

貞忠之裔蒸嘗宜遠所以大明志節崇獎名教可訪其宗裔襲

爵主祀

丁穆為順陽太守符堅兵至為其所執至長安稱疾不任偽朝  
堅又傾國南寇穆於關中人士唱義謀襲長安事泄遇害臨死  
作表以付其妻周其後周得至京師詣闕上之帝下詔曰故順



陽大守貞定侯丁穆力屈身陷而誠節彌固直亮壯劫義貫古烈其表柩始及言梟傷悼可贈龍驤將軍雍州刺史賻賜一依周虓故事為主屋宅並給其親衣食以終厥身

周虓為西夷校尉領梓潼大守陷於符堅不屈節而死其子興迎致其喪冠軍將軍謝玄親臨哭之因上疏曰臣聞旌善表功崇義明節所以振揚聲教垂美來葉故西夷校尉梓潼大守周虓執心忠烈勵節寇庭遂嬰禍荒裔痛真泉壤臣每悲其志以為蘇武之賢不復過也前宣告并州訪其虓喪並索其家負荷數千始得來至即以資送還其舊隴伏願聖朝追其忠心表其殊節使負霜之志不墜于地則榮慰存亡惠被幽顯矣帝詔曰虓勵忠貞亮無愧古烈未及效身奄隕厥命甄表義節國之典

也贈龍驤將軍益州刺史賻錢二十萬布百匹又賻賜其家謝琰隆安四年討孫恩兵敗琰帷下督張猛於後斫琰馬琰遂遇害後左里之捷宋高祖令禽送琰小子混混割肝生食之詔以琰父子隕于君親忠孝萃于一門贈琰侍司空空謚曰忠肅三子肇峻混肇歷驃騎參軍峻以琰勲封建昌侯及沒於賊詔贈肇散騎侍郎

安帝義熙初檀憑之與桓玄將皇甫敷戰死贈冀州刺史詔曰夫旌善紀功有國之通典沒而不馮節義之篤行故冀州刺史檀憑之忠烈果毅亡身為國既義敦其情故臨危授命者考諸往迹古人無以遠過近者之贈意猶恨焉可加贈散騎常侍本官如故既隕身王事亦宜追論封賞可封曲阿縣公邑三千戶



孫季高義熙中討盧循于番禺循走交州季高病卒贈龍驤將軍宋高祖為南海太守念季高之功乃表曰孫季高領南之勲已蒙褒贈臣更思惟循稔惡一紀據有全城若令根本未拔投奔有所招合餘燼猶能為虞懸師遠討方勤廟筭而季高沉海萬里投命荒流波激電邁指日邁至遂奄南海覆其巢窟使循進退靡依輕舟遠迸曾不旬月妖凶殲殄蕩滌之功實此為太往年所贈猶為未擾愚謂宜更贈一州即其本號庶令忠勲不湮勞臣贈勳重贈交州刺史將軍如故

何無忌義熙二年遷都督江荆二州進鎮南將軍征盧循兵敗握節死之詔曰無忌秉哲履止忠亮明允亡身徇國則契協英謨經綸也昧則重氛載廓及敷政方夏寔播風惠妖寇構亂侵

擾邦畿投袂致討志清王略而事出慮外臨危彌厲握節捐難誠貫古賢朕用傷慟于厥懷其贈侍中司空本官如故謚曰忠肅

毛據為征西將軍都益梁秦寧涼五州軍事譙從之亂璉遇害及璉弟瑾瑗子姪之在蜀者一時殄沒璉子引之嗣義熙中時延祖為始康太守上疏訟璉兄弟於是詔曰故益州刺史璉西夷校尉瑾蜀太守瑗勤王忠烈事乖慮外塋送日近益懷惻愴可皆贈先所授官給錢三十萬布三匹論璉討桓玄功追封公卿千五百戶又以祐之斬玄功封夷道縣侯

後魏道武帝平中原贈李勰宣威將軍蘭陵太守勰恬靜好學有聲趙魏間至是已亡帝哀惜之故有是命



王憲字顯則北海劇人祖猛符堅丞相父休河東大守憲幼孤  
隨伯父永在鄴符丕稱尊弭復以永為丞相永為慕容永所殺  
憲奔清河匿于民家皇始中與駕自趙郡之高邑憲乃歸誠帝  
見之曰此王猛孫也厚禮待之以為本州中正領選曹事兼掌  
門下

大武討赫連經庚岳墓宅愴然動容遂下詔為立廟令一州之  
民四時致祭岳先事道武為將有謀略名冠軍中道武猜惡誅  
之段進為白守將蠕蠕大擅入塞圍之力屈被執進抗聲大罵  
遂為賊所殺帝愍之追贈安北將軍賜爵顯美侯謚曰莊

石文德中山蒲陰人也有行義真君初縣令黃宣在任喪亡宣  
單貧無菽親文德祖父苗以家財殯塋持服三年奉養宣妻二

十載及亡又哀經歛附率禮無關自苗建文德刺史守令卒官  
者制服送之五世同居門庭雍睦又梁州上言天水白石縣人  
趙令安孟蘭彊等四世同居行著州里詔併標榜門閭

獻文末常農北陝人土玄威立草廬于州城門外衰服蔬粥哭  
踴無時刺史荀頹以事表聞詔令問狀云先帝澤被蒼生玄威  
不勝悲戀心如此不知禮式詔問玄威欲有所訴听為表列玄  
威云聞諱悲踊竊謂臣子同例無所求謁及至百日乃自竭家  
財設四百人齊會忌日又設百僧供至大除日詔送白袖袴褶  
一具于玄威釋服下州令表異焉

孝文帝初都洛陽嘗幸北邙遂幸洪池命任城王澄侍昇龍舟  
目賦詩以序懷帝曰朕昨夜夢一老公頭鬢皓白正理冠服拜



五路左朕怪而問之自云晉侍中嵇紹故此奉迎神爽早惧似  
有求焉澄對曰晉世之乱嵇紹以身衛社殞命御側亦是晉之  
忠臣比干遭紂兇害忠諫剖心可謂殷之良士二人俱死于王  
事墳塋並在于道左然陛下徙御瀍洛經殷墟而弔比干至洛  
陽而遺嵇紹當是希恩而感夢帝曰朕何德能幽感達士也然  
實思追禮先賢樹揚忠懿比干嵇紹皆是古之誠烈而朕務農  
比干禮略嵇紹情亦有愧然既有此夢誠如任城所言于是求  
其兆域遣使弔祭焉

郭祚從帝出征及還止投黃門車駕幸長安行經渭橋過郭淮  
廟問祚曰是卿祖宗所承也祚曰是臣也世伯祖帝曰先賢後  
哲頓在一門祚對曰昔臣先人以通儒業博雅事魏文徵臣虛

薄遭奉明聖自惟幸甚因勅以大牢祭淮廟令祚自撰祭文

宣武景明三年九月車駕幸鄴詔使者弔殷比干墓

董吐渾東郡小黃縣人也吐渾養親事元至孝二世同居陶門

有禮景明中畿內大使王凝奏請表異詔從之

正始元年六月立周公旦夷齊廟于首陽山李伯貴宣武時為  
郡守有孝行居父母喪哀戚過禮遂以毀卒帝嘉之賜渤海相  
王續生萊陽京縣人也遭繼母憂居喪杖而後起及終禮制鬻  
髮盡落有司奏聞帝詔標旌門閭甄其徭役

劉侯仁豫州人也永平元年城人白早生殺刺史司馬悅據城  
南叛悅息眇走投侯仁賊雖加構募又嚴其搆捷侯仁終無漏  
泄眇遂免禍事寧有司奏其操行請免府籍叙以小縣詔可



李謚延昌四年卒其年四門十學博士孔璠等四十五人上書論其行業帝詔曰謚徵辟志守忠素儒隱之操深可嘉美可遠傍惠康近淮玄晏謚謚曰真靜處士並表其門閭以旌高節于是表其門曰文德里曰孝義高道悅為太子中庶子太子詢以道悅數規諫殺之高祖甚嘉悲惜謚曰真侯至帝又追錄拜其子給事中

秦榮先性至孝遭父母喪哀慕不已遂以毀卒邑里化其孝行帝嘉之乃下詔曰孝為政本德乃化先既表天經又明地義居喪致疾至感過人聞窮蹶不反迄乎滅性行標當世理鏡幽明此而不顯道將何述可贈滄州刺史以旌厥異

晁清遼東人也祖暉濟州刺史穎川公清襲祖爵例降為伯為梁城戍將梁武攻圍糧盡城陷清抗節不屈為賊所殺帝褒美贈樂陵太守謚曰忠

孝明正光三年大保崔光奏劉昺著業京城遺文在茲篇籍之美頗足觀採如或愆豐當蒙數世之宥况乃維祖建孫相去未遠而令久論早隸不獲收異儒學之士所為竊嘆臣忝職史教曾以奏聞乞勅尚書檢准所屬甄免碎役用廣聖朝旌喜繼絕敦化厲俗詔曰昺德冠前世蔚為儒宗大保啓陳深合勸善其孫等三家特可听免河西人為榮

高諒正光中為驍騎將軍徐州行臺屬元僧反叛逼諒同之諒不許為法所害時年四十一朝廷痛惜之贈左將軍滄州刺史馮景正光中為蕭寶寅閔西大行臺都令從寶寅征討寶寅將



奉兵景固諫不從寶寅敗後景還洛朝廷先聞景有諫言故免  
之除奉車都尉

貞孝女宗者趙郡栢仁人趙郡大守李叔裔之女范陽盧元禮  
之妻率性至孝聞于州里父卒踊慟幾絕者數四賴母崔氏慰  
勉之得全三年之中形骸銷瘠非人扶不起及歸夫氏與母分  
隔便飲食日損泣涕不絕日就羸篤盧氏令家人慰喻不解乃  
遣歸寧還家乃復如此者八九焉後元禮卒李追亡撫存禮無  
違者事姑以孝謹著母崔以神龍元年卒于洛陽西閭初到奉  
聲慟哭絕一宿乃蘇水漿不入口者六日其始慮其不濟親而  
奔喪而氣力危殆自范陽向洛八日方達攀視踊踊遂卒有司  
以狀聞詔曰孔子稱毀不滅性蓋為其廢養絕類也李既非嫡

子而孝不勝哀雖乖府就而志厲義遠若不加旌異則無以勸  
引澆淳可追誦曰貞孝女宗易其里為孝德里標孝盧二門以  
惇風俗

王榮世陽平館陶人也為三城戍主方成縣子梁武攻圍力窮  
知不可全乃先焚府庫後殺妻妾及梁軍陷城與戍副鄧元興  
等俱以不屈被害帝下詔褒美忠節進世爵為伯贈齊州刺史  
元興開國子贈洛州刺史

莊帝建義初以鄭仲明兄洪建李冲女婿仲明舅氏之親其弟  
與謀扶載仲明之死也且有奉國之意乃追封安平縣開國侯  
邑七戶贈侍中車騎大將軍義同三司尚書左僕射雍州刺  
史永安初彭城石縣人孫道登初為梁武將常休等所虜面縛



臨丹巡遠村塢令其招降鄉曲道登厲聲唱呼但當努力賊所不能遂屠戮之荊州被圍行臺宗靈恩遣使宗女等四人入城曉諭為賊將所獲執女等巡城令其改辭女等大言天軍垂至堅守莫降賊分各剖其腹然後斬首二州表其節義道登等並賜五品郡五等子爵听子弟承襲遣使詣所在弔祭

廢帝時刁思遵妻魯氏女也始笄為思遵所聘未踰月而思遵亡其家矜其少寡許嫁已定魯聞之自誓父母不達其志遂經郡訢稱刁氏怖護寡女不使歸寧魯乃于老姑徒步詣司徒府自告情狀普泰初有司奏聞帝詔曰真夫節婦古今同尚可令本司依式標榜

新刊監本冊府元龜卷第一百二十七

新刊監本冊府元龜卷第一百二十八

帝王部 一百三十八

旌表第二

西魏武帝永熙中以故殷州刺史鄭楷兄弟父子並死王事朝野傷嘆特贈侍中督都莫定相三州諸軍事驃騎大將軍儀同三司冀州刺史拓跋崇陽京縣人也喪母水漿不入口五日吐血數升居憂毀瘠見稱州里有司奏聞帝詔標門閭

揚引鄉郡襄垣人也三歲喪父為叔所養母年九十三引年七十五哀毀過禮三年服畢恨不識父追服斬衰食粥糜服誓終身經十三年哀慕不改為郡縣鄉閭三百餘人上狀稱黃有司



奏宜旌賞復其一門樹其純孝詔別勅集書標揚引至行又可假以散負之名也

自引以下十人史不載年月今附于本朝之末

郭文恭大原平遙人為大平縣今年踰七十父母喪亡文恭孝慕罔極乃居祖父墓次晨夕拜跪跣足負土陪祖父二墓寒暑竭力積年不已見者莫不哀嘆尚書奏聞標其門閭董洛生居父喪過禮詔遣秘書中散溫紹伯奉璽書慰之令自抑割以全孝道又詔其宗親使相喻獎勿令有滅性之譏

王崇字乾邑陽夏雍丘人也兄弟並以孝稱身勤稼穡以養二親仕梁州鎮南府主簿母亡扶而後起鬢髮墮落未及將葬權殯宅西崇廬于殯所晝夜哭泣鳩鵲群至一小鳥素質黑眸刑大如雀栖于崇廬朝夕不去母喪始闋復丁父憂哀毀過禮是

年夏風雹所經處禽獸暴死草木摧折至崇田畔風雹便止禾麥十頃竟無損落及過崇地風雹如初咸稱至行所感崇雖除服仍居墓側於其室前生草一根莖葉甚茂人莫能識至冬中復有鳥巢崇屋乳養毛羽咸長馴而不驚守令聞之親自臨視州以奏標其門閭

張昇崇陽人居父母喪鬢髮墮落水漿不入口吐血數升詔表門閭

王閻北海密人也數世同居有百口又大山劉業興四世同居魯郡蓋構六世同居並其產財家門雍睦鄉里敬異有司申奏皆標門閭

張安祖河陽人也襲世爵山北侯時有元承貴曾為河陽令家



貧且赴尚書求選逢天寒甚遠凍死路側一子年幼停屍門巷棺斂無托安祖悲哭尽礼買木為棺手自營作斂殯周給朝野嘉歎尚書聞奏標其門閭

馬八龍武邑武強人也輕財重義友人武遂縣尹靈哲在軍喪亡八龍聞即奔赴負屍而歸以家財殯葬為制總服撫其孤遺恩如生州即表列誥標門閭

李几博陵安平人也七世同居同財家有二十二房一百九十八口長幼濟濟風礼著聞至于作役卑幼競進鄉里嗟美標其門閭

邵洪哲上谷沮陽人也縣令范道崇先自朐城歸歛以除縣令道崇鄉人除孔明妄經公府訟道崇非勲道崇坐除名羈旅孤

貧不能自理洪哲不勝義憤遂代道崇詣京師明申曲直經歷寒暑不憚劬勞道崇卒得復雪又北鎮反乱道崇孤年無所歸附洪哲兄伯川復率鄉人來相迎接送達幽州道崇感其誠節訢省申聞詔下州即標其閭里

後周太祖時荆可河東倚氏人喪母悲踰楫庸絕而復蘇者數四廬于墓側負土成坟鄉人以可孝行之至足以勸勵風俗乃上言焉帝以令州縣表異之

竇崇定文帝歆以為三公崇定上書固辭陳畏懼之道帝乃止前後賞賜不可勝計及卒帝為廢朝令左衛大將軍元旻監護喪事賻絹三千匹上謂侍臣曰吾每歆致崇定于三事其人固讓今歆贈之重違其志於是贈冀州刺史鄭國公謚曰懿令孤



虬早以名德著聞仕歷瓜州司馬燉煌郡守鄯州刺史西魏文帝大統末卒于家帝傷悼之遣使者監護喪事又勅鄉人為營墳壟贈龍驤將軍瓜州刺史

武帝初河東安邑人也組回性至孝武成中父母喪廬于墓側負土成墳廬前生麻一株高丈許圍之合拱枝葉鬱茂冬夏常青鳥棲其上回奔声哭鳥即悲鳴時人義之帝表其閭擢授其棠令

慕容三藏為右衛將軍周師入鄴齊後主失守東遁委三藏守番守鄴榮齊之王公以下皆降三藏猶率麾下抗拒周師及齊平帝引見恩礼甚厚詔曰三藏父子誠節久聞宜加崇秩授開府儀同大將軍

建德元年晉公護誅乃詔曰故使持節柱國大將軍大都督陽平郡開國公李遠早蒙驅任夙著勲績內參帷幄外屬藩維竭誠王室乃罹橫福言念貞良追增傷悼宜加崇寵用彰忠節贈本官加陝州等十五州諸軍事陝州刺史謚曰忠遠初為晉公護之所害也

六年詔曰偽齊之末奸佞擅權濫罪淫刑動挂羅網偽右丞相咸陽王故斛律明月偽侍中特進開府故崔季舒等七人或功高獲罪或直言見誅朕兵以義動剪除亮暴表閭封墓事切下車宜追贈謚褒加其見在子孫各隨蔭叙錄家口田宅沒官者並還之

秦旌性至孝母沒哭泣無時惟飲食水菜而已終喪之後猶蔬



食不入室房二十許年鄉里咸歎異之其邑人王元達寺七十餘人上狀有詔表其門閭

張元字孝始祖父或沒元踴躍絕而後蘇其後父延雋卒水漿不入口三百鄉里咸歎異之縣博士楊執等三百餘人上其狀有詔表其門閭

皇甫遐河東汾陰人遭母喪廬於墓側負土為坟即縣表上其狀有詔旌異之

隋文帝開皇初下詔曰昔漢高欽無忌之義魏武挹子幹之風前代名賢後王斯重魏故度支尚書美陽伯蘇綽文雅政事遺跡可稱展力前王雷聲著績宜開土宇用旌善人於是追封邛國公邑三千戶

宇文孝伯以忠諫為周宣王所殺及帝踐極以孝伯及王執忠而獲罪並令收葬復其官爵又嘗謂高穎曰宇文孝伯實有周之良臣若使此人在朝我輩無措手處也

紆士雄回之子也少質直孝友父喪廬於墓側負土成墳其庭有一槐樹先甚鬱茂及士雄居喪樹遂枯死服闋還宅死槐復榮帝聞之嘆其父子至孝詔書褒揚旌其所居為累德里

郭方貴淮南人也少有志向於從父弟雙貴同居開皇中方貴嘗因行出遇雨淮水汎長津所寄渡船人怒之搥方貴臂折至家其弟雙貴驚所問由方貴且言之雙貴恚遂向津歐擊船人致死守津者執送之縣官業問其狀以方貴為首當死雙貴從坐當流兄弟二人爭為坐守縣司不能斷送詣州兄弟各引咎



州不能定二人爭欲赴水而死州狀以聞帝聞而異之特原其罪表其門閭賜物百段

田德懋觀國公仁恭之子少以孝友著名開皇初以父軍功賜爵平原郡公授大子千牛備身丁父艱哀毀骨立廬于墓側負土成墳高祖聞而嘉之遣員外散騎侍郎元志就予為復降璽書曰皇帝諭田德懋知在窮疾哀毀過禮倚廬墓所負土成墳朕孝理天下思弘名教復以爾通家情義素重有聞孝感嘉嘆兼深春日暄和風力何似宜自抑割以禮自存也兼賜縑二百匹米百石後下詔表其門閭

杜猷為濟陰大守開皇三年死王事詔曰行仁蹈義名教所先厲風敦俗宜見褒獎往者山東河表經此叛亂孤城遠守多不自全濟陰大守杜猷身陷賊徒命懸寇手卽省事范臺攻傾產營護免其戮辱看言誠節實有可嘉宜超常賞用明沮勸以臺玖可大都督假湘州刺史

薛濟開皇中為考功侍郎丁母艱不勝病卒有司以聞帝為之屑涕降使齎冊書弔祭曰皇帝咨故考功侍郎薛濟於手惟爾操履貞和器業詳敏允膺列宿勤蹇克彰及違私艱奄從毀滅嘉尔誠孝感于朕懷奠酌有加抑惟朝典故遣使人指申往命魂而有靈歆茲榮渥嗚呼哀哉

楊慶字伯悅年二十五其卽察孝廉以侍養不行其母有疾不解襟帶者七旬及居憂哀毀骨立負土成墳齊世表其門閭賜帛三十疋綿十屯粟五十石高祖開皇中屢加褒賞



郭萬字弘文大原文水人也家門雍睦七葉共居犬豕同乳鳥  
鵲通巢時人以為義感之應州縣上事其高祖遣平昌公宇文  
欵詣其家勞問之持書御史柳彧巡省河北表其門閭

劉方為驩州都督平林邑國紀功而還方在道遇患而卒帝甚  
傷惜之乃下詔曰方肅承廟謨恭行天討飲冰遄邁視險若夷  
推鋒直指出其不意鯨鯢殄殪巢穴咸傾役不再勞肅清海外  
致身王事成績可加可贈上柱國盧國公

煬帝大業二年五月乙卯詔曰旌表先哲式在饗祀所以優禮  
賢能顯彰遺愛朕永監前修尚想名德何嘗不興歎九原萬煙  
千載其自古以來賢人君子有能樹聲立德佐世救時博利殊  
功有益于人者並宜營立祠宇以時致祭墳壠之時不得侵踐

有司量為條式稱朕意焉

三年四月乙亥次赤岸驛以大牢祭故大師李穆

五年二月戊戌次于閩鄉詔祭開皇功臣墓三月庚午有司言  
武功男子史永遵于從兄昆弟同居帝加之賜物百段米二百  
石表其門閭

陶穆為嵐州司馬漢王諒據并州反刺史喬鍾喬葵發兵赴逆  
模諫之鍾葵失色曰司馬反邪臨之以兵辭氣不撓鍾葵義而  
什之軍史進曰若不斬模何以壓衆心于是囚之于獄悉掠取  
資財分賜黨與及諒平帝加之拜開府授大兵令

皇甫誕為漢王諒并州司馬諒反誕諫之為諒所囚及楊素至  
諒屯清涼誕出獄謀閉城拒之又為諒所害煬帝以誕亡身殉



國加悼者久之下詔曰褒顯名節有國通規加寺飾修抑惟令  
典并州總管司馬皇甫誕性理淹通志懷審正劾官贊務聲績  
克宣值狂悖稱禍凶威孔熾確殉單誠不從妖逆雖凶執冠手  
而雅志稱厲遂潛于義徒據城抗節衆寡不敵奄致非命可贈  
柱國封弘義公謚曰明

華秋汲郡臨河人也事母以孝聞母終以廬墓側大業初調孤  
皮即縣大獵有一兔人逐之奔入秋廬中匿秋膝下獵人至廬  
所異免之自爾此兔常宿廬中匿秋膝下馴其左右即縣嘉其  
孝感具以狀聞帝降使勞問而表其門閭

翟晉林楚丘人也性至孝事親以孝聞州郡辟命皆固辭不就  
躬耕色養鄉鄰謂楚丘先生後父母疾親易燥溫不解衣者七  
旬大業初父母俱終哀毀將殆滅性廬於墓側負土成墳盛冬  
不衣繒絮惟著單縗而已家有一烏犬隨其在墓若晉林哀臨  
大亦悲涕見者嗟異烏有二鵲巢其廬前樹每入其廬馴狎無  
所驚惧大業中司隸巡察奏其孝感擢授孝陽令

游元大業中為侍御史奉使黎陽楊玄感作亂元數其罪玄感  
怒而囚之屢脅以兵竟不屈節於是害之帝甚加歎贈銀青光  
祿大夫賜縑五百匹拜其子仁宗為正議大夫弋陽郡通守  
松贊大業末為石門府隊正賊帥楊季執之令告北海縣云即  
丘已破宜早歸降贊至城下言賊弱不足憂遂為季所害帝遣  
戶曹郎郭子賤討季破之以贊亡身殉國嗟悼不已上表奏之  
優詔褒揚贈朝散大夫本郡通守



唐高祖武德元年八月以高穎賀若弼張衡宇文弼薛道衡董  
純等忠于前朝李金才李敏見忌隋室皆被煬帝所誅於是贈  
其官爵

裴仁基初仕隋為左光祿大夫陷于王世充後謀歸國事洩遇  
害武德中贈原州都督謚曰忠

三年五月詔曰民稟五常仁義斯重士有百行孝敬為先自古  
哲王經邦致治設教垂範莫尚于茲叔世澆訛民多偽薄脩身  
克已事資誘勸朕恭膺靈命臨馭遐方愍茲弊俗方思遷道雍  
州万年縣樂遊鄉民王世貴孝性自天力行無怠喪其所姑哀  
毀絕倫負土成坟結廬墓側鹽酪之味在口不啻哭泣之聲感  
于行路安福鄉民宋興貴立操雍和主情友睦同居合爨累世

積年務本力農崇謙獲順引長名教郭厲風俗宜加褒顯以勸  
將來可並旌表門閭蠲免課役天下使明知之

四年表南豐州漢陽縣令姜世雄之間褒義門也世雄立性仁  
厚夙敦孝義私門之內友第著聞累業共居合宗同爨鄉黨稱  
茂曾無間言屬隋末寇盜經其里者皆感其節義不忍侵掠帝  
聞而加言其孝行堪厲風俗下詔褒美課役並從蠲免

楊大室武德初為龍門令劉武陷晉絳攻之不降城破被害褒  
贈全節侯

劉感岐州鳳泉人後魏司徒高昌王豐生之孫也武德初以驃  
騎將軍鎮荊州薛仁果率衆圍之感嬰城拒守城中糧盡遂殺  
所乘馬以分將士感一無所取唯煮馬骨取汁和木屑食之城



蚩陷者數矣長平王叔良援兵至仁杲解圍而去感于叔良出  
戰為賊所擒仁杲復圍涇州令感語城中云援軍已敗徒守孤  
城何益也宜早出降以全家室感許之及至城下大呼曰逆賊  
飢餓亡在朝夕秦王率數十萬衆四面俱集城中勿憂宜各自  
勉以全忠節仁杲大怒執感于城邊埋脚馳騎射殺之至死聲  
色逾厲賊平帝購得其屍祭以少牢贈瀛州刺史封平原郡公  
謚曰忠壯令其子襲官爵並賜田宅

常達陝人也初仕隋為鷹擊即將數從帝征伐甚蒙親待及義  
兵起達在霍邑從宋老生來拒戰老生敗達惧自匿不出高祖  
謂達已死令人闕死求之及達奉見高祖大悅以為統軍武德  
初拜隴州刺史時薛舉屢攻之不能克乃遣其將仵士政以數  
百人偽降達達不之察厚加撫接士政伺隙以其徒劫達擁城  
中二千人而叛率達以見于舉達詞色抗厲不為之屈舉指妻  
謂達曰識皇后不達曰止是瘦老嫗何足可識竟識之有奴賊  
帥張貴謂達曰汝識我不達曰汝逃奴瞋目視之貴怒乃將斧  
達人救護免及仁杲平帝見達曰謂卿之忠節便可求之古人  
命起居舍人令孤德榮曰劉感常達須載之史策也執仵士政  
撲殺之賜達布帛三百段復拜隴州刺史

魏衡妻王氏梓州郫人也武德初薛仁杲旧將旁企地掠侵梁  
部因獲王氏逼而妻之後企地漸強盛衡以城應賊企地領衆  
將趨梁州未至數十里飲酒醉臥王氏取其佩刀斬之携其首  
入城衆乃散帝大悅封為崇義夫人仍赦衡同賊之罪



獨孤武都謀叛王世充歸事堯誅死武都子師仁年始三歲世充以其年幼不殺使禁掌之乳母王氏誦蘭英請髡鉗求入保養世充許之蘭英撫育提攜備盡筋力時喪亂年飢人多餓死蘭英扶路乞丐招拾遇有所得便歸與師仁蘭英唯啖土飲水而已後詐採拾乃竊師仁歸于京師帝加其義下詔曰師仁乳母王氏慈惠有聞撫鞠無倦提携遺幼背逆歸順宜有褒崇以賜其誥可封永壽鄉君

張善相許州襄城人也大業末為里長每督縣兵逐小盜為衆所附遂據本郡歸于李密密敗以城歸國帝授伊州摠管王世充數攻之善相頻遣使請救兵既不赴城中糧盡自知必敗謂寮屬曰吾荷國恩要當効命諸君無為同死當斬吾首以歸世充衆皆泣曰亭典公同死終不獨生後城陷被擒送於世充所辭色不撓罵世充極口尋被害帝歎曰吾負善相善相不負吾封其子為襄城郡公

張志寬河東安邑人也武德八年丁母憂廬于墓側負土成坟有鳥巢於廬前樹上志寬哭臨鳥輒悲鳴帝聞之遣使就第吊授員外散騎常侍賜物三百段表其門閭

太宗貞觀元年勅召臨淮劉子翼入京辭以繼母年老不赴色養之姜鄉里稱焉江南道大使李襲譽奏旌表之仍賜以米布改所居為孝慈里及母卒摧毀傷感行路二年九月涇陽人田伯明高陵寡婦李氏各賜帛三十匹旌孝義也

六年正月蠲布衣邊鳳奉常引宗崔定人陳嗣等四家課役褒



孝義也鳳卒渤海人引宗邑西人並以至孝聞於鄉黨葬父母  
皆廬墓次負土成坟鳳舉植栢而為加樹引宗廬前生芝草七  
十餘莖見者以為孝感丁父母憂縗服齋居二十餘年不釋定  
仁博陵人為偶像晨昏定省若平生焉隋末即賊蜂起莫不侵  
掠者嗣隴西人四葉同居稱為邕睦帝異之並下書褒美  
七年十一月以少牢祭杜淹如晦杜淹李綱之墓

十二年二月帝幸長春宮表王隴德之閭褒節義也隴德本馮  
邑人王藏仁之蒼頭也藏仁父母先歿未獲合葬既而從役身  
故其妻繡君旁無親屬隴迎致其屍并其父母而葬之因廬其  
墓次負土成墳每有白雉悲鳴于墳上焉

十月表通事舍人謝萬備之閭旌孝行也萬備者營州都督萬  
淑之季弟也初丁母艱截髮為髻以充歛及葬廬于墓次負土  
成坟帝聞而加之降璽書吊慰焉

十五年二月表華州鄭人王瞿曇之閭旌孝行也瞿曇事親以  
孝養聞閭里稱其敬讓葬祖父母及伯父皆負土成墳三年乃  
畢母終亦如之晝夜悲感哀感行路頭髮尽落形体枯悴墓門  
三年不掩夜常寢于棺側服終之後仍不離墓焉

十一月壬戌賜孝女夏侯碎金布帛二十段粟十石仍表其門  
閭碎金滑州柘城人先適河間劉氏已產一女其父因疾喪其  
碎金遂求離其夫以終侍養夫不遠其志分畝一女碎金供養  
其入無事後母以孝聞鄉里方之曾閔亡父號哭之声朝夕不  
絕哀毀之至殆不勝喪寒不衣絮被髮洗足負土成墳廬于墓



側至是已歷五年日一食而止

十七年齊王祐卒兵祐初遣省軍營將數百騎擊平陵平陵人拒守獲全詔嘉之改平陵為全節縣

十九年二月庚戌輿駕發洛陽丁巳詔曰昔望諸列國之相漢王尚求其後夷吾霸者之臣魏君猶禮其墓况正直之道邁青松而孤絕忠勇之操掩白玉而振彩者哉殷故少師比干貞一表德鄰幾成性以明允之量屬無妄之辰玉馬遶馳愍其邦之殄碎寶衣將燎焯其君之復亡其義不回懷忠陷節讜言統發輕百齡之命淫刑既逞碎七尺之軀雖復周王封墓莫救焚國之禍孔聖稱仁寧追剖心之痛朕自趙魏問罪遼碣經途秀麥之墟緬想梓林之地駐蹕而瞻荒隴頌以為臣撫躬而想幽泉

思聞其諫豈可使慎終之禮久闕于往冊易名之典無聞于後世宜錫寵命以展宿心可追大師謚曰忠列所司崇基墓而葺祠臺州縣春秋二時祀以少牢給隨近五戶以供僮掃帝自為祭文壬戌次安陽遣使以少牢齊清河高岳之墓

是年帝征遼攻安市城不剋其城中皆舁声偃熾城主升城拜手奉辭大加其堅守賜絹百匹以勵事君之節

又遼東城長史為部下所殺而省事

省事即吏也

薦其妻子奔白巖

城降帝義之賜省事帛五匹仍為造靈輿歸平壤

二十二年二月甲戌賜華州柞城女子劉少娘粟帛仍表其閭旌孝行也少娘母憂候碎金以亦至孝聞少娘年十五而母王遂廬于墓負土成墳



許垣豫州人也年十歲父入山採藥父為猛獸所噬即號叫以杖擊之獸遂走奔父以得全帝聞而謂侍臣曰垣雖幼童遂能致命收親至孝自袁深加高授交林郎賜物五十段

先君素隋大業末為鷹揚即將鎮河中義兵起固守不下高祖遣其妻至城下說令降君素引弓射殺後人心離叛左右斬之傳首京師梟于都後帝幸河中歎其忠于隋室贈蒲州刺史以鳳事君

楊三安妻李氏雍州涇陽人也事日姑以孝聞及日姑亡歿三安以死二子孩童家貧妻李氏晝量一力日夜則紡績數年間畢日姑及夫并夫之叔姪兄弟七喪深為遠近所嗟尚帝聞而異之賜帛二百段遣州存恤

孝女衛氏字無忌絳州夏縣人也初其父為鄉人衛長則所殺無忌時年六歲母又改嫁更無兄弟及長常思復讐無忌從伯嘗設宴為樂長則時亦預坐無忌以磚擊殺之既而詣吏稱父讎既報請就刑戮巡察大使黃門侍郎褚遂良以聞帝加其孝烈特令免罪給傳乘徙於雍州并給田宅仍令州縣以禮嫁之王少玄者博州聊城人也父隋末於郿西為亂兵所害少玄遺腹生年十餘歲問父所在其母告之因哀泣便歆求屍以葬時白骨蔽野無由可辨或曰以子血濡父骨即滲入為少玄乃刺其体以試之凡經旬日竟獲父骨以葬尽体病創歷年方愈貞觀中本州聞薦拜徐王府參軍

阿史那社爾本突厥處羅可汗第二子貞觀中為行軍總管以



高昌凱旋帝謂社爾曰諸軍並分外求財爾獨能不取深可尚也高昌有一寶鈿乃是其國所寶即以賜之并雜絲千段李乾祐為侍御史母卒廬於墓側負土成墳帝遣使就吊仍旌表其門

高宗永徽三年九月以周司沐大夫裴融尚書左丞封李瑛有忠節於前代制擢其子孫以旌介烈

五年二月庚申故洛州都督贈尚書左僕射屈突通故吏部尚書贈陝東道大行台尚書右僕射殷開山並贈司空故澤州刺史贈荊州都督邕國公長孫順德贈開府儀同三司故左領軍大將軍寶琮贈特進故右武衛大將軍史大柰贈輔國大將軍故禮部尚書溫大雅贈尚書右僕射故大僕御贈兵部尚書權

引壽贈太子少師故洪州都督贈戶部尚書劉政會故荊州都督贈禮部尚書應國公武士護並贈并州都督故襄州都督贈左驍衛大將軍張公謹贈荊州都督故資州刺史李高遷贈涼州都督故加州刺史李思行贈洪州都督故右光祿大夫張平高贈潭州都督並追錄武德功臣也

六年正月親謁昭陵詔貞觀以來勲賢大臣陪葬者宜以少牢於墓致祭其子孫有淪屈者所可奏聞

三月丁酉遣禮部員外李文禮致祭名臣圖形於凌煙閣者凡七人故太子太師魏徵右僕射高士廉時進蕭瑀輔國大將軍段志玄夔國公劉弘基徐州都督秦叔寶秘書監虞世南皆始終著名者也



四月丙寅鎮軍大將軍阿史那社爾卒贈并州都督陪葬昭陵  
謚曰元仍令起家象葱山以旌平龜茲之功也

顯慶元年八月賜相州司兵參軍武弘度宋州人程表師粟帛  
標其門閭

二年二月高宗在洛陽宮遣使祭伊尹周公伯夷叔齊許由等  
十月車駕幸許州次白善頓遣有司祭鄭子產及漢太丘長陳  
寔之墓

五年二月車駕幸并州其義旗初職事五品已身亡沒坟墓在  
州者令所司致祭

麟德元年十月己卯詔曰周京兆尹少冢宰廣陵郡守宇文孝  
伯忠亮基心堅真表志淫刑既逞方納諫而求仁兵刃將加其

捐軀而徇節年紀雖永風烈猶生宜峻徽章式旌華冒其孫左  
威衛長史思純可朝散大夫

二年十月命有司致祭伊尹周公桓榮楊彪杜預等墓及祠廟  
十一月己卯至崇陽祭紀信墓追贈驃騎大將軍

三年有事泰山路過鄆州聞壽張人張公藝九代同居帝觀幸  
其宅問其義由其人請紙筆但書百餘忍字帝為之流涕賜以

纁帛焉

初比奇安王高朱詣宅慰撫旌表隋開皇中大使命  
陽公梁子觀慰撫重表其門貞觀中將勅更加旌表

咸亨三年十月丁亥詔脩葺傳說詞廟仍令所司以牢致祭

儀鳳二年吐蕃寇陝州之臨河鎮鎮將杜孝昇為賊所執賊令  
送書松州以邀其降孝昇身遭六創竟不從俄而賊衆捨孝昇  
而退又率餘衆拒守詔贈游擊將軍以旌其忠烈仍賜物二百



段孝昇俄以劄甚去職詔令給終身

三年九月詔賜雍州司法參軍楊誼故妻常氏物百段旌孝行也常氏鄜州刺史吉甫之女其父初嬰疾累月不解衣而寢及父卒一慟而絕帝加其至行特賜縑帛仍令編入史

永隆二年四月贈故吉州長史陳行為睦州刺史旌忠節也初行為使吐蕃吐蕃大臣欽陵使行為拜伏行為擁節不屈臨之以兵竟不從因被拘留十餘年而卒至是喪還帝深加歎之故贈官焉

永淳三年正月車駕發東都遣使祭果父許由寺祠廟

三月以雍州人元讓為太子右內率府長史旌孝行也讓弱冠明經擢第以母疾遂不求仕射親藥膳菽致養不出閭里十餘

年及母終廬于墓側蓬髮不擲沐菜食飲水而已咸亨中孝敬監國下令表其門閭至是巡察使奏讓孝悌殊異由是拜職孝女賈氏濮州鄆城人也年始十五其父為宗人玄基所害其弟疆仁年幼賈氏撫育之誓以不嫁及疆仁成童思共報復乃候玄基殺之取其心肝以祭父墓遣疆仁自列於縣司斷以極刑賈氏詣闕自陳已為請代疆仁死帝哀之時下制賈氏及疆免罪移其家于洛陽

東夷都護張儉第二女左千牛于敏直之妻性至孝數歲時父母微有痾急即觀察顏色晝夜不離左右初聞儉有疾自傷不獲奔赴期於必死及凶問至踣叫一慟而絕帝聞之而下詔褒美贈物一百段仍令編入國史



揚紹宗妻王氏華州華陰人也初年二歲所生母亡為繇母鞠養至年十五父又征遼而歿繼母尋以亦卒士乃收所生及繼母屍柩并立父形象招魂遷葬訖於墓側陪其祖及父母墳永徽中詔曰故揚紹宗妻王氏因心為孝率性成道年迫桑榆筋力衰謝以往在隋朝父歿遼左招魂遷塋負土成墳又葬其祖父母寺竭此年老親加杖築痛結晨昏哀感行路永言志行高尚良深宜標其門閭用旌敏德賜物三十段粟五十石

蘇定方為左武衛大將軍卒帝傷惜之又謂侍臣曰蘇定方于國有功例合褒贈卿嘗不言遂使哀榮未興言及于此不覺嗟悼遽詔贈幽州都督謚曰莊

新刊監本冊府元龜卷第一百二十八

新刊監本冊府元龜卷第一百二十九

帝王部 一百二十九

旌表第三

唐中宗神龍元年詔曰號州人故楊初成往者運屬殷憂志懷忠謹將迎六飛之駕奄罹五刑之法身既伏誅家又從坐言念誠節深可哀矜宜有褒榮式旌忠順可贈左驍衛左一府即將初成號州人垂拱中偽稱即將於東都市宣勅幕人歡迎帝於房陵事覺坐斬籍沒其身至是旌表焉又故司空太子太師英國公李勣往坐其孫敬業構逆毀廢墳塋至是帝思其左命功追復官爵命所司為起墳改塋

三月以故司僕少卿徐有功執法平恕追贈越州都督仍遣使



使就其家吊祭令所司與一子官

二年十二月贈廬州刺史朱敬則祕書監褒異行也敬則亳州人嘗與三從兄同居四十餘年財物無異

三年六月乙亥旌表江夏潘元祚門閭以其居喪結廬墓次負土成墳也

睿宗唐隆元年六月下詔曰許州司兵燕欽融先陳忠讜頗列章奏雖行非其位而進不顧身永言奄忽誠可傷悼方開諫路宜慰寃宥可贈諫議大夫仍令備禮改塋初景龍四年欽融以常侯干政連上疏切諫帝氏等大怨勸中宗詔之欽融因而致死帝踐祚以其言多切三下制贈焉

郭岌定州人也亦備諫帝氏帝氏又勸殺殺之帝即祚甚加傷悼贈諫議大夫

又制曰慎終追遠斯乃舊章表德旌賢有光常策故中書令裴炎含和稟粹履信居真望重國華才稱人秀惟機成務績宣於代工偶俱無猜義深於上奉文明之際王室多虞保乂朕躬實著誠節而危疑起釁倉卒罹災歲月屢遷丘封莫樹永言先正感悼良多宜追賁於九泉俾增榮於萬古可贈益州大都督先是永淳中天后臨朝武承嗣請立武氏七庙中書令裴炎進諫大后不悅而止後崔槩上言炎有異圖胡元範符儼皆明其無罪大后不納令斬於都亭驛前故有是贈

七月冊立皇太子大赦天下自神龍已來直諫枉遭非命咸令封植其墓又追贈故韋月將為宣州刺史



景雲二年八月追贈故滑州韋城縣尉張仲之為饒州長史旌義烈也

玄宗即位下制曰以忠報國典冊所稱感義捐軀名節斯在故右羽林衛大將軍上柱國遼陽郡王李多祚三韓貴種百戰餘雄席寵禁榮迺心王室挺茲誠信翻陷誅夷賴彼神明重覆姦慝永言徽烈神合褒崇宜追歿後之榮以復生前之命可還舊官仍宥其妻子多祚初為右羽林將軍節愍太子之牽兵也令多祚率眾先至玄武樓下真帝聞以誅三思之意竟按兵不戰俄為左右所殺時年五十餘是日併其二子婿併命焉妻子並從籍歿至是追復又下制曰故蘇安常文學基身鯁直成撫往年抗疏忠黨可嘉屬回邪擅權奄從非命只言軫悼用惻于懷宜贈寵章式旌徽烈可贈諫議大夫仍宥其妻子安常中宗時以事連節愍太子被殺故旌之

先天二年七月詔曰大平公主子薛崇簡執心奉國勵節忘私早辨忠邪每有規諫因被媼嫉加以鞭笞事不見從忠實可紀宜甄逆順復其官爵仍賜姓李大平公主謀逆諸子皆伏誅惟崇簡以先諫公主屢被鞭撻故得賜姓官爵如故

是歲有司奏孝子王知道母患骨蒸醫云須得生人肉食之知道遂密割骨上肉半斤許加五味以進母母食之便愈即託他疾卧不令母知州縣以狀聞宰相請賜東帛帝曰宜于一官以旌孝行是年江西道按察使上言東陵人唐君祐喪母哀感鄉曲廬于墓側有芝草三莖生焉長沙人嚴侍封少為祖母所養



祖母死居喪三載負土成墳手植松楸百餘株澧陽仁張仁興  
五代同居其家堂後生一草彩色甚茂並有勅旌表其門閭  
開元二年正月乙酉制曰崔玄暉張柬之等往以神龍之初保  
乂王室奸臣所忌謫居炎海流落變衰感激忠義玄暉嗣子吏  
部郎中璩清雅才韻靜守專直東之嫡孫必祖考繼歿遺孤可  
傷被勲業之下淪佇名賢之必復是得景倩而悲仲宣者也高  
祖封樂毅之後武帝求蕭何之裔斯不遠哉昭于德義緬懷前  
列宜加後命璩必並可朝散大夫

二月乙亥以徐有功之子曰倫自大理司直為功陵令勅曰其  
父昔為理官時密刑網遂能堅守忠直每抗回邪海內稱其不  
寃朝庭賴其惟恤永言種德必歸餘慶宜甄嗣子以勸郡臣

十月帝以王海賓單騎赴難勇冠群帥及臨洮之後輕敵致陷  
身沒功存誠節尤著乃詔贈左金吾衛大將軍贈物三百石米  
粟三百石喪事並官供命紫微舍人倪若水吊祭仍于一子五  
品官制曰與予赴敵義光忠壯免胄捐軀情殷悼惜故防禦郡  
牧使豐安軍使右衛率府率王海濱七年楨幹萬里長城抱鐵  
石于胷襟運韜鈴于掌握屬犬羊為寇牧圉羅災出車殉其征  
伐躍馬先其襲掩挫彼鋒銳殲厥渠魁充國持邊佇終文略建  
威臨陣忽喪驍雄興言震懷思有褒美宜嘉大將之禮無茂後  
昆之秩

四年十一月黃門廬懷慎卒明年帝于城南望見懷慎別業方  
設大祥齊帝愍其貧困嘆息久之下詔曰故銀青光祿大夫檢



校黃門監上柱國范陽縣開國伯贈州州都督盧懷慎衣冠重  
望卽廟周材訐謨當三傑之一學行惣四科之二等平勃之輔  
漢同季父之相魯卽鄰于古儉實可師雖青雲燕翼籬金非寶  
然妻孥貧窶檐石屢空言念平昔彌深軫悼宜恤凌統之孤用  
旌晏嬰之德宜賜其家物一百段米粟二百石因制中書侍郎  
蘇頌為之俾文仍親禮焉

六年十二月以鄂州人潘元祚屢辭旌表獨守墳墓行能勵俗  
學可為師拜左拾遺內供奉仍值左春坊侍皇太子讀書

十一年行幸北都大原人趙栖桐隱居有道年暮羸痺詔就其  
私弟拜著作卽仍聽致仕賜帛五十匹

十四年宋州奏單父人劉九江三代同居有慈烏巢于庭戶鄉  
里榮之名其鄉曰菴睦鄉里曰同居里請旌表其門許之

是年鎮州鹿泉人李處恭張義真青州北海人呂元簡定州鼓  
城人古思義及蔡州孝女楊氏等並以孝義著聞旌表其門處  
恭與義真異姓同居于今三代凡百餘年元簡四代同居所食  
六畜皆異母同乳思義居喪至孝廬于墓側有嘉禾生及白兔  
馴擾

十五年九月制曰故益州長史張守潔故柱州都督負嘉靜等  
並授委藩鎮克著勤勞奄隨化往良深震悼言念旅襯猶在遐  
方用加擾恤以慰泉壤宜官造靈輦給傳還鄉所緣塋事並委  
有司支給是歲華陰人韓思納六代同居特旌其門

二十年三月以右驍衛將軍同正負安金藏忠節見於先朝特



封為代國王仍于東嶽西嶽等鑄碑勒其名制曰義不辭難忠  
為令德保佑君主安國邦家則必荷寵光之休膺土宇之息安  
金藏忠義奉國精誠事君往屬酷吏肆克僭行謀構當疑惧之  
際激忠烈之誠突刃刻心保明先聖見危授命沮奸邪之慝轉  
禍為福獲明夷之真雖鳴玉銜珠已備于休命而疇庸疏爵未  
洽于殊榮宜錫寵于珪組兼勒名于金石

二十三年三月河北採訪使奉相州湯陰縣有孝子石仵奴請  
旌表門閭許之仵奴三歲喪親廬于墓側凡二十餘年堂內有

枯樹重生枝葉群鳥訓擾鄉里咸敬異之

閏十一月相州又奏孝子石仵奴堂內有

寒竹抽笋數十枝望旌表其門以彰孝理許之

二十四年制曰貴德尊賢飾終念往此聖人所以理天下厚風

俗也王友真稟氣元精遊心大朴孝惟不匱獨貫于名時道則  
難名高謝於人代言念錫類方期化俗遽耳凋殂良深愍悼生  
無大位雖隔外臣之儀沒有餘榮宜贈上卿之服可贈光祿大  
夫仍令州縣長官吊祭友真長安人歷位長水縣令後罷歸田  
里中宗在春官召為司儀郎不就神龍初拜太子舍人仍令所  
司以禮徵赴及以疾辭制曰敦夷齊之行可以激貪尚顏閔之  
道用能勸俗新除太子中舍人王友真德義泉數人倫茂異孝  
愛始于事親忠言表于行已富在文忠廉于財貨久歷官常累  
聞課績有古人之風保君子之德乃抗志塵外棲情物表深歸  
解脫之門誓守薰脩之誠湏加徵命作護諸闈因在辭榮陳情  
懇至朕方崇獎廉退懲靜澆浮雖思廊廟之賢豈山林之願違



宜加擾秩仍遂雅懷封大子中舍人負外置給全祿以畢其身  
任其在家脩道仍令所在州縣存問四時送祿至其住所帝東  
宮又表情備禮徵之以年老竟辭疾不赴是歲九十餘卒故有  
褒贈

二十五年五月己亥京兆人張阿九母疾阿九割股肉饋之厥  
疾遂愈先是同郡趙言亦以割股養母聞帝嘉之賜阿九及言  
物各五十段以旌孝行

天寶四載二月京兆府奉天縣人趙正言母病割股肉以餌母  
疾廖賜物五百段以資孝養華原人韓難佗父亡廬于墓側凡  
十六載金城女董氏家無兄弟孝養不嫁父亡廬于墓側凡六  
載並表其門閭賜以粟帛

三月陳留郡封丘人楊嵩珪母亡負土成墳於所別立靈几  
畫父母形貌享祀十有餘年尉氏人楊思真父亡廬于墓側三  
十有八載有芝草白兔甘露等瑞並賜粟帛旌表門閭

四月冀州人燕遺憤既孤于堂中刻木為父母形像施帷帳衣  
如存朝夕奠祭鄉閭甚敬異之

蜀郡人郭景華孝行過人父喪明景華晝夜啼泣宅中忽踴其  
泉因以洗目漸明東陽郡人應先父亡廬于墓側有芝草連理  
樹生並旌表門閭以昭孝行

十五載袁光庭為伊州刺史祿山之亂西北邊戍兵入赴難河  
隴郡邑皆為吐蕃所拔惟光庭守伊州累年救不至虜乃百端  
誘說終不屈節部下如一及矢石既盡糧儲並竭城將陷沒光



庭守殺其妻子自焚而死朝廷聞之贈工部尚書

王君奭判涼州都督為吐蕃所殺帝甚痛惜之制贈持節荊州大都督給靈輦遞歸京師塋事並官給賻物三百段粟三百斛仍令鴻臚卿一人充使監護

韓思復睿宗朝為給事中治嚴善思於雷霆之下拒武三思于誦陌之中帝御筆題碑云有唐忠孝韓長公之墓

肅宗至德二年二月大赦詔曰賊陷兩京文武常參官及諸州刺史有絕脰仰藥不事判人為衆所知者量加優贈十二月詔曰忠臣事君有死無二烈士殉義雖滅猶存其李愬盧奕顏杲卿袁履謙許遠張巡張介然龐堅等即于追贈

臣欽若等曰日愬以下並為安

祿山亂死王事也

三年正月詔內外文武百官見在縣中潛藏不出或托疾不仕忠節可嘉並于成考是月京兆尹李峴奏奉天縣百姓滑清必父茂先疾亟清泌割右股肉方員二寸與父食之病乃痊詔清泌宜與官以旌孝道

二月詔天下州縣有遭逆賊攻擊堅守不下竟以獲全其官人百姓中有誠効灼然為衆所知者宜令本道使案驗奏聞據狀迹酬其官賞身亡沒者重加褒贈有父母存者仍與一官及邑號無父母者與一官如有一家丁壯盡被屠害其父母妻子仍令州縣以官物賑恤並量造舍宇使得安存

乾元二年北庭行營使李嗣業自正月與諸將同圍相州是時築隄引漳水灌城經月余城不拔時軍無統帥諸將各曰圖全



人無鬪志賊每出戰嗣業被堅衝突履鋒冒刃為流矢所中數日瘡歎愈卧于帳中忽聞金鼓之聲因而大叫瘡中血出數升注地而卒帝聞之痛悼而嘆息之下詔曰臨難亡身為臣之大節念功加贈經國之常典故衛尉卿兼懷州刺史克北庭行營節度使虢國公李嗣業植操沉厚秉心忠烈懷幹時勇畧有戡難之遠謀久仕邊陲備經任使自渠構亂中夏不寧持感激之誠摠驍勇之衆親當矢石頻立勲庸壯節可嘉將謀于百勝忠誠未遂空恨于九原言念其功良深憫悼死于王事禮有可加宜贈烈士之封用廣飾終之義可贈武威郡王其賻贈及緣喪事所司倍于常式仍令官給靈輦遞還所在以其子佐國襲其官爵食封二百戶

代宗寶應元年鳳翔天興人楊播隱居以孝行旌表門閭一云播登進士第隱居不仕玄宗徵為諫議大夫棄官就養以孝行禎祥表其門閭肅宗就加散騎常是賜號玄靜先生初播父哲以孝行有異旌其門閭後播子炎為起居室舍人辭祿就養岐下丁父憂廬于墓前號泣不絕聲有紫芝白雀之祥又表其門閭孝者三代門樹六闕焉

八月梁州刺史臧希讓上言南鄭縣百姓李真古孝行彰聞請付有司旌表從之真古六歲而孤母歆改嫁真古兩泣留之母遂守志母未食寢真古不食寢及母亡負土成墳廬于墓側有猛虎馴于墓廬前白鼠見於墓門村人異之

永泰元年正月京兆尹第五琦奏奉天縣寶昇朝二女伯娘仲



娘雖長于村野而幼有志操住于汾州接界草賊數千持兵刃入其村落行剽劫聞二女有容色姊年十九妹年十六歲藏下巖屈問賊徒擬為逼辱乃先曳伯娘出行數十步又曳仲娘出賊相顧自慰行臨深谷伯娘曰我豈受賊污辱乃投身於谷賊方驚駭仲娘又投手谷谷深數百尺姊尋卒仲娘脚手破血流被體氣絕良久而蘇賊義而去琦感其真烈奏之詔旌表門閭仍長免丁役二女喪事官給京兆戶曹陸海首賦詩以美之三月河南等道都統黃門侍郎同中書門下平章事王縉奏徐州處士皇甫晷養母以孝聞請旌表門閭許之

是月追贈故徐州蘄縣令李瀾瀾弟激等官先是東都未平梁宋間群盜連聚或至二千餘攻陷城邑瀾守蘄縣力屈為盜所執將害之瀾弟激詣賊所請代死瀾又請殺真買弟兄弟爭死俱為盜害瀾女原武衛盧甫妻也見父被執號泣請代死亦為盜所害宣慰使吏部侍郎李季卿以節義聞有尉氏尉王泛妻裴氏儀王傳臣卿之女也素有容範為賊所俘裴逼之裴曰吾衣冠之子當死即死終不苟全一命受污于賊賊惜之臨之以兵逼之以力裴堅罵抗之賊怒乃支解裴氏至死不屈季卿以狀迹聞詔曰鄭州原武尉盧甫亡妻李氏汴州尉氏尉王泛妻裴氏等懿範傳家柔明植姓頃因寇難克彰義烈或請代父死表因心之孝或誓遂夫亡標難奪之節宜膺贈飾俾光休美李氏可贈孝昌縣君裴氏贈河南郡仍編入史冊瀾激亦贈官秩



二年六月賜安南節婦金氏兩丁侍養金氏本賊帥陶齊亮之母以忠義訓齊亮不受遂於齊亮絕自績而衣自田而食州里稱之仍詔本道使每季給銀二兩並衣服以終其身

大曆四年二月左千牛薛鋒母痊割股肉啖母病愈詔下有司旌表門閭

三月睦州司士參軍許利川居母喪以孝聞有芝草八莖及連理樹一株產于墓廬詔表表門

六月詔曰武德貞觀之間有若魏徵王珪李靖李勣房玄齡杜如晦等扶翼大運勤勞王家尊主疵人匪躬致命咸有一德格于皇天緬然長懷風烈猶在其後嗣沈翳特加優獎如廟宇荒毀即宜脩葺何德不報何日忘之

國朝將相雖賞贈而未稱者再贈之故有是命

二年三月代州刺史贈太子太師賈循重贈大尉并其妻子皆禮改葬故蘄州刺史贈華州刺史姚閻重贈潞州大都督其子一人官皆以死王事也

五月以澤州人雍仙五代共居表其門閭

七月贈故伊州刺史袁廷光王部尚書初庭光守伊州虜圍之連歲不能及力竭將陷先刃其孥而自焚死焉

三年二月贈故成德軍節度判官檢校司封郎中兼御史中丞邵真戶部尚書與其子五品正員官真掌為李寶臣掌文翰深所信任寶臣死其子惟岳偽領父衆李正己田悅欲其同反各通使于惟岳真泣諫曰先公位無將相受國厚恩大夫纒經之



中遽欲違命同鄰道之惡背先公之志不可田悅與我密通絕之恐速禍正已稍遠絕之易耳但令悅使還報請徐思其宜執正已使于京師因請致討朝庭必嘉大夫忠而旌節得以若受節于正已即當臣之為之柰何惟岳許之令真草奏將發孔目更胡震頗任事言于惟岳曰此事非細請于諸將吏議之至會議其鎮州刺史畢華曰先公杓二道親好二十年一朝背之不可今執其使送京師大善脫未為朝庭所信正已兵疆物來襲我孤軍無援何以敵之不若仍舊勿絕徐觀其變惟岳又從已真又勸惟岳遣其弟惟簡入朝仍遣軍使薛廣詣河東節度使燧軍請從順屯兵東鹿田悅聞其謀使使謂惟岳曰邵真感亂軍政必速殺之不然吾且自討其罪矣惟岳惧遂殺之故有褒

六年十月邛州上言依政縣百姓樊漪居父喪負土成墳廬于墳側有兔鴿馴擾木連理慈竹自生詔旌表門閭

七年七月鎮州上言鼓城縣人鄭岷居父喪被髮廬于墓側不掩墓門哀毀過禮望旌表門閭許之

十一月京州兆府上言櫟陽人董思寵五代同居子孫凡八十餘人友愛敦睦鄉里稱之

天寶末寇盜剽掠村閭此家獨全年遭水旱此家獨免至於征稅每于人伏望旌表門閭編諸吏冊許之

八年十二月江南西道觀察使路嗣恭上言信州弋陽人張球父歿五年廬于墓側哀毀過禮墓門墉土生芝草七莖有鵲巢于叢竹請旌表門閭許之



九年二月庚辰追贈故河西隴右副元帥都知兵馬使秦州刺史郝廷玉為工部尚書錄勳也

四月追贈故平盧節度使柳城郡太守劉正臣為工部尚書正臣本名客奴初祿山叛逆正臣越海遣使奉順帝錄其誠節故寵之

德宗建中元年十一月詔故侍中平陽郡王贈秦州刺史敬暉重贈太尉故吏部尚書漢陽郡公贈中書令越州刺史張東之贈司徒故侍中扶陽郡王贈兗州刺史桓彥範贈司徒故中書令博陵郡公贈幽州刺史崔玄暉贈太子太師故中書令南陽郡公贈洪州刺史袁恕已贈太子太傅故中書令贈荊州大都督張九齡贈司徒故中書令越國公鍾紹宗贈太子太傅時以

贈

四月贈故右僕射褚遂良大尉

五月詔曰故河西兼伊西北庭節度使觀察使檢校工部尚書兼御史大夫贈太子太保楊休明故河西節度觀察使檢校工部尚書兼御史大夫周昂故西州刺史兼御史中丞李秀璋故瓜州刺史兼御史中丞知河西節度留後張銑或寄崇方鎮或攝摠留務時屬啟憂並抗真節率勵將吏誓一其心固守西郵以俟朝命羗戎乘間驟逼城池國家方有內虞未遑何救河隴之右化為虜場俾我忠良歿身異域彌歷年紀以逮于茲旅榘方旋誠深憫悼故遽加寵贈俾極朝榮式彰茂烈永賁幽隴休明可贈司空鼎可贈太保秀璋可贈戶部尚書銑贈兵部侍郎



休明等自至德後陷于吐蕃至是其族各以柩至故加褒贈休明男燁並將校等追贈者十餘人仍官為殯塋

八月太子賓客第五琦卒琦之子峯峯婦鄭氏女皆以孝著旌表其門

四年二月將作監田昂亡母亡姨亡妻邠州刺史李再春亡妻其子瑤亡妻等並追國夫人昂瑤亡子亡女皆贈官封初昂再春棄其族來降田悅尽滅少長無數瑤至京師授左監門衛將軍再春為邠州刺史兼寵贈其家

三月贈故淮寧軍都虞候兼御史大夫竇封一百戶周曾大尉益竇封二百戶故許州鎮遏兵馬使兼御史中丞竇封五十戶王玢司徒益竇一百五十戶故淮寧軍兵馬使兼御史中丞竇

封五十戶呂從賁左僕射益竇封一百戶故竇將試大常卿康秀琳右僕射益封一百戶故節度押衙監察御史袁行姚憺兵部尚書賜竇封二百戶故竇將試太子賓客梁輿朝戶部尚書

賜竇封一百戶故竇將試太常卿賈樂卿刑部尚書賜竇封一百

戶故試大常卿侯山欽工部尚書竇封一百戶命散騎常侍蕭昕往汝州境上以禮致祭并委李勉哥舒曜訪其家以名聞有子者得回父官爵子孫三代過犯者減一等論以淮寧軍節度押衙試殿中監韋清為太子賓客兼御史中丞封安定郡王賜竇封一百戶其周曾等所賜竇封可載于典冊傳于子孫初李希烈怒哥舒曜收汝陽令周曾等以兵三萬來擊躍曾玢憺清等自號四公子因希烈之親吏梁銳動輒馳告勉至是曾乃謀



于周志欲迴軍據蔡州手玠應于許州姚憺韋清居中殺希烈  
議定密令奏之且請毒藥以寘其食得陳藥一丸無效曾等以  
故久不發初希烈令養子十人從曾曾次襄城欲行其志養子  
等知其謀亡告希烈乃使其將李克城率驃軍千人改殺曾等  
而收其兵復殺玠憺等始韋清約事洩無得相引清以故幸免  
然終惧不得脫乃說希烈曰今兵寡勢弱不足以集事請于朱  
滔使宋少直詣滔乞師希烈信然遣之夜次襄邑境乃奔歸劉  
洽希烈聞曾等有變兵亂乃閉壁數日鄭州尉賊乃惶駭奔去  
希烈乃上疏歸罪曾等率兵還保蔡州

是月又贈故衛尉卿兼御史中丞顏杲卿司徒故常山郡太守  
袁履謙左散騎常侍故許州長史寵堅右散騎常侍故鞏縣主

簿將清禮部侍郎並錄其子孫履謙妻封氏封申國大夫

臣欽  
若等

曰自顏杲卿以下並為安  
祿山亂死王事也

右贈故右驍衛將軍代國公安金藏兵部尚書授其子承恩銀  
青光祿大夫試殿中監兼廬州刺史

四月贈故禮部尚書李之芳亡女隴西郡夫人初李克誠既陷  
汝州殺掠居人士女賊至李氏家李氏恐逼辱遂投井死

八月贈曹孝昌左僕射實封三百戶孝昌李希烈之將孝昌以  
隨州降尋為其將康叔夜所殺復判故有是贈

十月贈左龍武大將軍呂希倩大尉賜實封三百戶子孫不絕  
官爵又贈將軍高仲傑司空實封三百戶子孫不絕官爵初帝  
避難于奉天誅泚之賊于城東西南三面踰城渾城率招召突



得三百人分道連賊翌日辰時殺傷大甚賊力屈而退希債死  
之俄賊復攻城仲傑力戰而死故有是贈仍官給棺襯衣服遣  
宰臣宣旨致祭

興元元年二月帝在奉天詔曰見危授命之謂忠臨義有勇之  
謂烈惟尔克勵臣節不戰殺身惟予式嘉乃勲懋昭大典曰台  
不德罔克若天邁茲殷憂變起都邑惟尔卿士嗷然靡依逼畏  
所加淄灑共混故開府儀同三司檢校禮部尚書司農卿上柱  
國張掖郡王段秀實操行嶽立忠厚精至義刑于色勇必有仁  
頃者常鎮涇原克著威惠判卒知訓咨爾以誠賊泚藏姦欺爾  
以詐守人臣之大節見原惡之深情端委國門挺身白刃誓碎  
克渠之首以敵君父之讐視死而歸履虎致啞噫天未誨禍事

乖垂成雄風社圖振駭群盜昔王燭守死以全節周凱正色而  
抗詞惟我信臣無愧前哲聲聞寰宇義冠古今足以激勵人倫  
光昭史冊不有殊等之賞孰表非常之功爰議疇庸特超檢限  
著之申令樹此風聲可贈大尉謚曰忠烈宣行史官仍賜食封  
五百戶莊宅各一區長子與三品正員官諸子並與五品正員  
官仍廢朝三日收京城之後以禮塋祭旌表門閭朕承天子人  
臨馭億兆一夫不獲則予之辜况誠信不達屢致寇戎使抱義  
之臣陷于克逆有臨危致命歿而愈彰有因事成功權以合道  
苟利社稷存亡一致疇報之典豈恨常員並委所司訪其事跡  
續具條奏當加褒異錫其并賦圖形雲閣書功曷彞以彰我有  
服節死誼之臣傳于不朽是月又贈故商州刺史謝良輔左散



騎常侍初涇原兵亂京師後數十日商州圍練兵亦作亂害良輔焉及此追贈

四月贈故吏部郎中郭雄同州刺史詔曰朕越自邦畿至于梁漢而庶尹卿士各尽其職雄以鋒刃之下倉卒遇害親戚阻絕孤魂何依豈不以予一人不德而使子大夫罹其禍也永言憫壞增軫于懷爰申寵贈俾加常典六月故神策京西兵馬使檢校工部尚書兼御史大夫楊惠元贈左僕射仍賻絹百匹惠元男故食尚奉御晟贈殿中監故左衛兵曹參軍高贈州州刺史褒死難也惠元以兵蜀李懷光建中四年冬自河朔同赴難解奉天之圍明年二月懷光既圖叛逆惠元義不受污脫自奔竄至奉天會乘輿南李懷光怒惠元之逸令其將田宗以百餘騎

追及于好疇縣惠元計窮父子二人並投入家井中冊宗並出而害之咎及是各加追贈焉

是月給事中孔巢父往河東宣慰李懷光遇害帝聞而驚悼久之贈尚書左僕射賜其家布帛米粟甚厚仍受一子正員官收復河中日所司備禮葬祭之

七月詔曰贈大尉段秀實天授真烈激其薄俗蒼黃之中密蘊雄斷捋紆國難詭收寇兵撓其克謀果集吾事挺身徑進奪擊渠魁英名凜然振邁千古宜差官致祭並旌表門閭緣塋所要一切官給仍於墓所官為立碑以揚徽烈諸軍將士有身死王事委本使具名街聞奏即與褒贈

又贈左驍衛大將軍樂平郡王劉海賓太子太保追贈實封一



百戶 臣欽若等曰  
海賓事具後

八月詔贈大尉段秀實宜令所司即于置廟立碑

九月贈故原徑都知兵馬使試大常卿何明禮兵部尚書故推官試晉州別駕岐靈岳贈同州刺史旌死節也初段秀實于劉海賓及明禮靈岳潛與約剋期誅朱泚事洩皆遇害故有斯贈十月以前大常卿簫定為太子少師前大理卿蔣流為右常侍前秘書監程鎮之為太子賓客並以陷城不任褒之也

十二月以前祠部郎中王礎為禮部郎中前起居舍人鄭南史為司封員外郎前工部員外郎史官修撰荀尚為駕部員外郎前左庶子張旣為彭州刺史礎等並朱泚時潛不仕也

真元元年正月詔曰君臣之義生錄其功沒厚其禮况才優仕國忠至滅身朕每興嘆勞于寤寐故光祿大夫太子太師上柱國魯郡公顏真卿器質自天公忠傑出出入四朝堅真一志屬賊臣擾亂安以存諭拘脅累歲死而不擾稽其盛節寔謂猶生朕至移斯禍慙悼靡及式崇嘉命兼延爾嗣可贈司徒仍贈絹帛五百端米三百石男顏頌等至喪制終後所司奏聞超授官秩時李希烈陷汝州宰相盧杞奏顏真卿使諭之既為所迫不從遂縊殺之

四月加朔方將石崇憲檢校工部尚書來重隨檢校太子詹事兼御史中丞初馬遂渾瑊統兵討李懷光懷光俾部將徐光將數千衆保長春宮復碑石崇憲將驍兵授徐光崇憲以數千騎來降懷光遂屠其家故加官



九月贈朔方節度都虞候呂鳴岳工部尚書鳴岳前欲圖李懷光以從順事洩為光祿所殺故遣贈焉

十一月贈朔方邠寧節度兵馬使兼御史大夫石演芬兵部尚書仍賜錢百千演芬本西域胡人以武勇為朔方節度李懷光養子以至右武鋒都將時懷光軍屯三橋將于朱泚通謀演芬乃使食客部成義密疏具言懷光反狀請即罷其摠統成義至奉天乃反以其言告懷光子瑤瑤密報其父懷光乃召演芬責之曰我為爾為子柰何欲被我家耶今死可乎演芬對曰天子以公為腹心公以演芬為腹心公上負天下安可下責演芬且演芬胡人不解異心歆守死以事一人幸得免呼為死分也懷光初使左右齎食之皆曰此忠烈之士也可令快死乃以刀斷其頸至是上念其義烈故加追贈

二年十月以前淮西行軍司馬檢校左庶子兼御史中丞呂仲容為刑部郎中前澱州刺史張應為吉州刺史仲容應皆陷李希烈授其為署官數有章表陳賊中事宜帝每嘉歎及希烈平徵至特加賞賚而命官焉

三年四月贈故淮西節度使檢校工部尚書兼御史大夫陳仙竒大子大保賻布帛粟米有差喪事官給仙竒赴于行間性資忠果自希烈死顏竭誠節而吳少誠十數大將素克悖醜衆遂結黨害仙竒焉

閏五月朔方河中副元帥渾瑊于蕃相尚結贊會盟于平涼城與副使兵部尚書崔漢衡監軍特追宋奉朝等皆入幕次結贊



伐鼓三聲其衆呼譟而至城遽出自幕後偶得他馬奔歸奉朝  
為亂兵所殺六月贈奉朝開鳳儀同三司右衛大將軍以死王  
事也十一月彭城孝子尹務榮喪親廬于墓側六年有芝草之  
祥詔旌門閭

五月建州奏邵武縣人黃天喪母廬于墓側有紫芝生詔旌其  
門閭

五年二月潤州奏句容人張常洧居父喪孝行著聞詔旌表其  
門閭

八年正月贈故御史中丞張巡妻隴西郡夫人李氏申國夫人

帛百匹追舊勲

臣欽若等曰  
巡事具前

十二年七月宣武軍節度李萬榮疾病署其子迺為兵馬使迺

敘大將尹婁浣張丕倉官劉叔向等大將鄧惟恭等執乃送京

師詔浣等三人委中書門下郎于追贈仍各與一子八品正員

官順宗以真元二十一年正月即位六月詔曰前詔義軍泗州

營衛前兵馬使大中大夫試大子賓客兼監察御史張重政門

勲力推惟毅勇夙聞克家之美嘗稱撫衆之才近者其父初亡

群小扇惑誘以竒計俾執軍麾而重政于其母兄號泣固拒遂

全懇願奔告元戎不為利回成其先志于家為孝子在國為忠

臣軍郡又安行義昭著念茲名節感歎良深宜洽恩榮俾引激

勸禮無避于今革理當申于權奪式章憲府式宗無學可起復

雲麾將軍守左金吾衛大將軍員外置同正員檢校大子詹事

兼御史中丞仍委淮南節度使與要職事任使重政泗州刺史



任之子任在州十餘年拜金吾詔未至病卒軍令欲令重政代為將重政于其母徐氏拒不從獲免故寵之

七月贈故忠州別賀陸贄兵部尚書故道州刺史陽城左散騎常侍仍賜其家錢三百千令在州縣給遞以喪葬

新刊監本冊府元龜卷第壹百三十九

新刊監本冊府元龜卷第一百四十

帝王部一百四十

旌表第四

唐憲宗元和元年十二月贈故嘉州刺史崔佐時大理卿佐時為西州留後劉闢所殺故也

二年七月詔曰王者旌表通乎異代况音徽未遠名迹可尋風流所傳弊俗興起舉其遺直足勸事君故朝議大夫守給事中襲南陽郡公表高祿功之後清德冠時貞元初職在論駁嘗執讜議封還詔畫居平陷常則沈然而無忤會節有立皆卓爾而難踰故能望重朝端行滿天下未踰大任遽歿中身德之不忘久而彌著股方引景化寤寐前良用旌尚德之懷俾申加等之



贈哀榮所被勸獎斯存可贈禮部尚書高貞元初抗論盧杞中外相駕數正直者以高為第一李吉甫為相備陳其事始下贈詔十月潤州李錡平制曰王澹趙琦等仗節死義殺身成仁無罪無辜受茲殘酷所宜褒表以勸忠貞即加追贈仍令州府致祭收葬其王澹如有子弟服滿日與一子八品正員官如更無辜受戮之中身效順者亦委李元素具事跡聞奏當有褒贈及加甄錄如受戮之中有長行官健勿停量賜優給其家初澹為錡判官及錡言歸闕署為留後錡既無行意尋朕疾屢改發期澹與中使頻諭之錡不悅澹既捨留務或有制置錡益不能平潛諷親兵令殺澹者數矣因散冬衣澹入謁錡兵士數百人持刃曳於階下嚮食之監軍聞亂遣衙官趙琦慰諭又嚮食之及

錡敗故有詔贈

二年二月贈故布衣崔善貞睦州司馬旌忠諫也初李錡鎮浙西侍恩驕恣善貞詣闕上封言錡罪狀德宗械送錡錡坑殺之錡敗贈官

五年正月贈故左神策軍大將軍揚山郡王鄴定進兵部尚書賻布米粟有差定進時號勇將嘗征蜀有功及討王承宗力戰陣敗馳歸馬倒賊識曰鄴王也遂為所害官軍為之喪氣由是褒贈

四月睦州上言州人方良琨六代同居請表其門閭從之

五月贈故昭義軍將曹公义左金吾衛大將軍公义母鄭氏封威武郡大夫人仍賜錢三十萬先是謀勤盧從史公义參之蒼



卒為亂兵所害故加贈而又褒封其母焉

六月丁亥贈故禮部尚書鄭叔矩大常卿贈故朔方河中副元帥判官檢校戶部郎中兼侍御史路泌絳州刺史仍各賜其家絹二百匹至癸日委所在州府量給助喪事泌為渾瑊從事貞元三年隨瑊與吐蕃會盟而絕域棲絕域棲心於釋氏之教為贊普所重待以賓禮貞元十九年吐蕃遣邊將書求和少子隨哀泣疏陳願乞其請表三上德宗命中使論旨以朝廷懲其宿詐侯更要於後信訖數歲不服及帝即位前年蕃使復加隨五獻章上陳又投書哀詐于宰相裴垍李藩皆協力為奏言帝乞之命徐復等報聘乃特於荅詔疏名氏令於歸中國吐蕃因復等還遣使來朝遂以泌及叔矩之喪與銘及遣錄至朝野傷歎

帝憫之命贈賻焉

六年三月浙江西道觀察使以前集賢殿校書郎丁公著孝行聞詔曰丁公著辭官侍親不顧榮利高待至性人倫所稱今執喪致毀又聞過禮其所請旌表門閭宜依仍委本州刺史親自慰問并量給粟帛

三月甲子贈故金吾衛張克讓尚書右僕射克讓茂昭長男也前為易定將木力溝之捷克讓有功焉

十年十二月贈故雋州刺史陳孝陽洪州大督旌善狀也

八年四月贈故左神策軍兵馬使麗奉刑部尚書追平蜀之功也七月以蜀將郝同美為黎州刺史褒其節也同美元和初已劉闢之衆歸而闢屠其家故旌寵之



十二月勅張茂昭立功河朔舉旌歸朝義烈之風史冊攸載或聞身歿之後家無餘財追懷旧勲特越常典宜每年賜其家絹二千匹春秋二時給付

元年閏八月詔曰存樹風節謂之立名歿加褒飾所以勸善故朝散大夫試秘書省著作郎兼侍御史甄濟昔以文雅見稱當時嘗回辟召亦佐戎府而能保堅貞之正性以履危機觀逆亂之潛萌不從脅汙義聲可傳于竹帛顯贈未賁於松楸藩方上陳允叶彝典追加命秩尚服殊榮可贈秘書少監濟初為安祿山范陽掌書記天保十三年濟察祿山有異圖以智勉以衛縣縣令齊玘誠信可托乃求使至衛縣具以誠告令弟澄密求羊血以為備至夜嘔血疾不能支遂昇歸及祿山反使偽節度使使蔡希德領行戮者李揆持等二人封人來召察詐不起即就戮之濟以左手書雲不德李揆持刀而前濟引首待希德欬欬歔嗟嘆李揆等退以實病報後慶緒繼逆又使節縣強昇至東都安國觀經餘代宗統師收東都濟起諸軍門表送上都肅宗館于三司使臣於賊者瞻望以愧其心尋授秘書郎轉太子舍人寶應初拜刑部員外郎因蕃寇逃難客於襄州大曆中江西觀察使魏少遊奏授著作郎兼侍御史充莫徕副使終於襄州至是山南東道節度使袁滋奏其節操與權臯同科合於載國史勅甄濟頃逢屯難不受染汙風塵之內名迹獨全宜付史館旋又下制褒贈焉

又月又詔曰孝子劉敦儒生於儒門稟此至性王祥篤行起孝



敬而不移曾參養志積歲年而罔怠用引勸獎宜服官常分曹  
洛師俾遂私志可守右龍武軍兵曹參軍分司東都鄴儒子玄  
之曾孫母終居喪致毀洛中之劉孝子權德輿留守東都表其  
志行故授以官

十月號州湖城縣百姓閭照五代同居命旌表之

十年四月贈工部尚書致仕高彥昭陝府都督如有子孫委中  
書門下服闋後量才叙用彥昭不知何許人初事李正己及李  
納叛彥昭以濮州降于河南都統玄左納怒殺其妻子有女九  
歲初見其母犯將就告拜天而祝女問其故荅曰以天之神明  
將所祈也女曰天如神明豈使吾效順而族戮也如其無知即  
又何拜獨不拜而死帝聞詔下太常謚曰愍女當時文士屬詞

以誄之

十一月贈故壽州死難之將張抱劔劉榮周和等刺史仍以米

粟

臣欽若等曰時討淮西吳元濟抱劔等死王事也

十一年正月贈故成德軍節度掌書記殿中侍御史李序工部  
郎中序安平人百樂五代孫舉進士嘗謁王士真署為掌記書  
士真死後以他事忤承宗被殺故加贈

四月山南東道故大將軍李仲蒼呂中庸石隄黃士榮等以死

難皆贈刺史

時諸道之師討鎮州王承宗故也

五月山南東故將南吟暉等十六人忠武軍故將喬錡等三人  
河東故將徐宙等二人並以死難贈刺史

亦以鎮州用師故也

十二年三月贈故冀州刺史王怡尚書左僕射仍令存訪親族



授以封爵怡武後從子以戰功歷深莫趙三州刺史承宗之叛  
怡守南宮縣以當王氏及王士則為刑州刺史怡誠款通之及  
士則去刑州怡情頗洩於賊遂遇害并屠其家怡男元伯名先  
潛來京師過定州張茂昭知而留之是授兼監察御史姜茂昭  
軍中任使

七月昭義故將衛重興等三十二人以死難並贈刺史

鎮州用師也

十一月以楊元卿為左金吾將軍元卿以淮西從事歸朝其妻  
及男五人皆為所害及賊平朝廷方驗其事命中使至宅為發  
哀故有此授

十四年四月詔曰圖難忘死為臣之峻節顯忠旌善有國之令  
敵日者妖豎反覆侮我朝章而漢州刺史高沐劔在兗威潛輸

忠款諷其不庭之咎將莫革心數其煮海之饒聿求利國伏奏  
必陳其逆節漏師常破其陰謀竟以盜憎遂使王事歿而不朽  
風聲凜然式表漏泉之澤且彰勁草之節可贈吏部尚書仍委  
馬摠訪其遺骸以禮收葬優恤其家如有子孫具名聞奏沐為  
李師古判官師道擅襲每謀不順沐廣引古今成敗諭之前後  
說師道為善者數千言判官李文會等構於師道沐遂遇害  
九月贈淄州刺史張顛左散騎常侍登州刺史高曙右散騎坐  
侍萊州刺史李廷遠洪州都督萊州長史蔡成鄆州左司馬尚  
振兗州長史沈皆並贈刺史皆以嘗謀殺李師道歸國為師道  
所害故也

李端妻端吳元濟之軍人也元和中淮西未平端心懷向順乃



忽渡潞河來降烏重裔其妻遽為賊束縛在樹鬻而食之至死呼其夫曰善事烏僕射觀者義之至是烏以其事請列于史策十三年憲宗下詔從之

董昌齡母楊氏昌齡嘗為泗長史世居于蔡少孤受訓於母累事吳少誠少陽至元濟時為吳房令楊氏潛誡曰逆順之禮成敗可知汝宜圖之昌齡志未果元濟人署為郟城令楊氏復誡曰逆黨欺天天所不福汝當速降無以前敗為慮無以老母為念汝為忠臣吾雖歿無恨矣及王師逼郟城昌齡乃以城降且說賊將鄧懷令歸款於李光顏憲宗聞之喜急召昌齡至闕真授郟城令兼監察御史仍賜緋魚昌齡泣謝曰皆老母之訓憲宗嗟嗟良久元濟囚楊氏欲殺之而止止者數矣蔡平楊氏幸

無恙元和十五年陳許節度使李遜疏楊氏之強明節義以聞乃封北平郡太君

孝女王和子者徐州人其父及兄為防秋卒戍涇州元和中吐蕃寇邊父兄戰死無子女先亡和子時年方十七聞父兄歿於邊上被髮壞徒跣縗裳獨往涇州乞取父兄之喪歸徐營葬手植松百剪髮壞刑廬于墓所節度使王智興以狀聞詔旌表之穆宗長慶元年正月以前坊州刺史班肅為司封員外郎時宰相上曰言將欲清風俗必在厚人倫竊見皇甫鑄權位盛時班行之中多所親附及得罪後議論立變增嫉如隹俗之衰薄一行於此唯班肅以曾為郎官叛度支案終始如一獨送出城周行之間多美其事今郎秩已罷望受一省官以表其行故有是



拜是月河東奏百姓劉士約母疾割股肉以奉母請表門閭從  
議者以神農紀辨藥物凡陸行泉游草伏本棲金石之類荒  
之裔之產可收于疾者無不悉載未嘗言人之肌膚可以愈疾  
及開元末有明州城門山里人史藏苦看量拾遺大人肌主羸  
疾自後問閭相故自殘往往而有

二年正月詔曰故魏博等州節度觀察處置等使起復寧遠將  
軍檢校工部尚書兼魏州大都府長史御史大夫夫人賜紫金魚  
袋田希暎以寡昧臨御萬方刑威不能弭頃紀之變道化不能  
馴多僻之俗致使上公罹禍田氏積寃爰整旅以徂征每終食  
而三嘆自茲吊伐驟涉寒暄雖良銳師將皆云協力而俟時觀  
釁未即齊驅嗟我誠臣結其哀憤引遷延之咎以自刺責奮決  
烈之志以謝君親白刃憤于肝心鴻毛諭其生死忠臣孝子一  
舉而全晉稱下氏之門漢表尸鄉之節比方于布令古為鄰况

其臨命須臾廢之不撓再形章表益見深衷問使發亟悼心疾  
首從先臣于厚載爾則無愧親遺像于麟于何可堪端擬崇石  
職載遺典匪以為報聊攄永懷可尚書左僕射賻布三百匹米  
粟二百石

六月乙酉詔曰田布頃因戎旅發憤自裁言念忠誠豈忘瞻卹  
宜賜錢一千貫絹一千匹以充葬用

九月贈汴州故將郭昌晏禮部尚書昌晏前欲密謀誅留後李  
齊以其謀通于韓克臣欽若等曰李齊汴之牙逐其師  
事洩被

害故加寵贈

三年十月以潞州左司馬賈直言為諫議大夫直言以孝聞人  
稱其代父飲醢救得不死而手足枯陷于渾州累有忠言激孝



師道不聽亦不忍殺

敬宗寶曆元年六月虢州刺史陸亘上言王成縣百姓閭鄠五代同居請旌其門閭兼追贈五代祖庭訓一官從之

文宗以寶曆二年即位賜劉克明母錢一千貫絹五百匹婢二人以其不克從克明為亂賞之也

大和二年九月詔曰見危致命之死不顧慮其義則白刃可蹈得其所則鴻毛猶輕此忠臣烈士所以垂名于不朽者也

故棣州刺史克本州鎮遏兵馬使樂濠稟受正氣發揮壯猷屬逆監亂常反形潛具濠于茲時密獻成筭朕且欲諭以文告革

其非心重難興師因寢其奏而沉謀中泄遺茲深寃眷言此心傷恨何已可贈工部尚書仍許歸葬上都令所在路次州縣供

熟食兼遞夫等應緣喪事所須並令官給賊平之後仍訪其子孫親屬

三年六月錄諸道戰歿大將並贈以官

四年正月故東州將李載等九人並加褒贈歿于蠻寇故也

六年九月贈故幽州觀察判官攝監察御史常雍妻蕭氏蘭陵縣君雍故太子賓客張引靖在函日所署判官當是時屬朝廷制置未備幽州俗本兇悍尤不樂文儒為主帥賓佐習于常能忘其變通議論不密卒然起亂雍時家亦從劫暴蕭氏聞難踣呼專執夫袂左右格云以死不從及雍臨刃蕭氏涕而告曰妾不幸年少義不苟活今日之事願先就死刃者斷其臂詞氣不撓雖兇悍圍視無不傷歎其夕蕭氏亦卒幽州節度使楊志



誠表明其事故追封焉

十月山南東道觀察使奏郢州長壽縣竟陵鄉村孝子史博年齒尚幼母亡廬于墓側被髮泣血誓志終身詔表其門閭

十二月宣州觀察使沈傳師奏涇縣遊道鄉百姓萬晏自高祖顧至仲芳五代同居詔表其門閭

七年三月壬子浙江東道奏越州蕭山縣百姓李渭幼失父母與兄二人同居兄病渭割股療之因差後兩兄俱亡奏寡嫂孤姪二十餘年衣食無偏莊田租稅渭自辦資財完鑰寡嫂掌之孤姪婦孫共三千三人其家生芝草請旌表從之

開成元年贈大蔚段秀實子大僕卿伯倫卒宰臣李石奏曰伯倫秀實之子自古歿身以利社稷者無如秀實之賢帝憫然曰伯倫宜加賻賜仍輟朝以禮忠臣之嗣

二月丙戌詔曰故邕州都督府錄事參軍衡方厚妻程氏乃者吏為不道墮殺尔夫詣闕申冤徒步万里崎嶇偏畏濱于危亡血誠既昭凶憤果雪雖古之烈婦何以加焉如聞孤孀無依盡哭待盡俾榮祿養仍賜疏封可武昌縣君仍賜一子九品正員官方厚為董昌齡所殺程氏知其夫為昌齡所害力不免能遂抑其哀如無冤者昌齡雅不疑听其歸喪故得以徒行詣闕帝因諫官論昌齡不宜為郡再譴昌齡遂有此命

是月以鹽鐵宣歙院官檢校為善部員外郎顏從覽為主部員外郎贈大師顏貞卿曾孫引式為同州參軍詔曰朕每覽國史見忠烈之士未嗟嘆久之思有以報如聞從覽引式實果卿之



貞卿之孫永惟九泉既不可作旌其嗣續諒叶典彝考績已深于宦途者命列于中臺官次未齒于縉紳者俾佐于在庶使天下再新義風

三年十一月甲戌戶部侍郎李珣奏廬州舒城縣大平鄉百姓徐周周叔兄弟五代同居請免其同籍戶稅從之

十二月宣歙觀察使崔郾奏溧陽縣百姓陳珽五代同居釁請蠲除賦稅旌表門閭從之

四年十二月贈故易定觀察判官兼侍御史李士季給事中其家委韓威安從喪事官給仍賜一子官待服闋日具名聞奏士季為易定節度張璠從事璠卒之初士季知留務三軍欲立璠之子元益士季不從遂為兵亂所害至是奉褒贈之典

武宗會昌元年三月贈裴度大師制曰堯之舊臣伯益顯榮于舜禹周之元老邵公流美于成康永惟其人屬良相裴度始以謀策除害佐烈祖之中興終以貞節立朝毗累朝之鴻業經緯之志華皓不衰功勳爛然圖使輝煥姦邪所忌艱旣于時暨氛霧既開魚水將協條風孰見其喜愠零兩皆美其來歸未踐明廷遽嬰沉痾威鳳莫翔于旧沼虛丹長徃于夜川殖謝之初朋黨異議贈典不稱人情鬱然屬告上玄渙流大蹕載懷先正宜有褒稱寵既及于維師思有加于在昔豈必望鬱侯之壠方念茂功過梁道之詞乃思遣美以茲為勸可不務乎

宣宗大中六年六月充海節度使蕭倣奏臣當道先差赴慶州行營陣歿押官鄭神佐左室女年二十四先亡父未行營已前



許與稼右驍雄將官健李玄慶並未受財禮阿鄭知父神佐陣  
歿遂與李玄慶休親截髮壞形自往慶州北淮安鎮收亡父遺  
骸到兗州瑕丘縣與亡母合葬訖便于莹內廬墓植松柏讐言不  
適人伏以閭里之中罕知禮教女子之性尤昧義方阿鄭痛結  
窮泉哀深陟岵投身砂磧收父遺骸遠自邊陲得還閭里感慕  
我以起恨侍立墓以誓心此皆陛下孝理引深德風煦被遂變  
獲野之性潛知禮義之方求之古人斯為烈女臣忝廉察敢不  
上聞伏望天恩宣下有司特賜旌表仍放本戶兩稅以彰至行  
勅旨宜依

懿宗咸通三年正月壽州奏裨將何武討賊死于盛唐縣詔贈  
檢校左散常侍制曰地連山藪境有逋逃武能首率即兵身歿  
王事既嘉忠盡宜示褒贈不惟慰彼漏泉將以激其群校

鄭略為鳳翔節度使檢校司空同中書門下平章事卒昭宗冊  
贈司徒謚曰文昭初李茂貞表曰臣聞有勲不廢前代格言無  
美不稱先王令典示垂休于國謀將衍示于孫謀其有漢閣元  
勲岐山茂政霜露已凋于大樹蓬蒿將沒于豐碑歎泉局而纏  
禮未加顧藩翰而清風盡在是敢敷陳往哲啓迪前功庶雅頌  
而重興異徽猷而復奔臣伏見故鳳翔尹同中書門下平章事  
鄭畋瑞應星祥開月角建洪鑣于聖代成庶類于明時鳳毛方  
浴于春池龍節忽移于右輔旋于群鷓聚噪方蜎攢鋒蒼黃而  
玉輦省方次第而金門撒鑠九州相望初猶豫以從風百辟無  
歸半狐疑而委質鄭畋戎冠豎髮褒袖運籌羅將校于帳前列



貌貅于麾下乃言曰封蒞肆兇長鯨噴毒冥生灵于塗燼委神  
罟于腥膻我家國時運方難天曆方遠豈可大朝簪紱當屈節  
于豺豕近甸藩籬歆輸誠于虺蜥由是理牲誓衆饗鼓出師飛  
羽檄于四方會諸侯於萬里擊迴地軸決驚波而盡入東溟抽  
轉天關驅列宿而咸尊北帝雷喧擊鼓山轟旌旗五兵繞入大  
牙一陣盡塗龍尾值大憝建瓴之勢在元臣反掌之間不意柱  
朝權將星夜殞竹帛徒懸于皎日衣冠已隔于佳城始舉義師  
爰從指顧稟三令五申之訓耿囊砂滅竈之謀今則謬以微功  
叨居重鎮仰高蹤而始在念遺烈而未書伏乞皇帝陛下顯奉  
旧勲榮加盛禮俯盡褒酬之典遐追銘範之功俾四海有聞致  
九泉無恨時朝廷覽表故有是贈

哀帝天祐元年十月瑯州節度使雷彥恭奏楚大夫屈原廟在  
當道請賜封崇勅曰楚三閭大夫屈原正直事君文章飭已當  
椒蘭之是佞俾蕙菝之不香顯比干之赤心躡彭咸于綠水雖  
楚煙荆雨隨強魄于故鄉而福善禍淫播明灵於巨屏名早流  
于竹素功有益於州閭爰表厥封用旌良美宜封為昭靈侯  
後唐莊宗同光二年四月即位于魏州制曰應有奉使危邦罹  
殃殊域既遭陷害深可憫傷如伊鐔蓋寓戴漢昭季承勲之徒  
並仰所司具名錄奏朝廷必議褒贈

十月平汴州詔有交鋒戰陣没于王事未經追贈各與贈官  
二年三月安義李存霸奏屯留縣坊市百姓韓德兄弟累世同  
居母死割乳以祭廬于暮側累年種瓜合歡合蒂旌從之



明宗天成二年十一月勅太宗朝僕射李靖贈大保鄭州僕射  
坡改為大保坡

此坡蓋後魏時賜僕射  
李中今云李青非也

三年九月密州上言輔唐縣民華近福事父母有至孝之行旌  
表之

十一月詔賜故夔州節度使西方勣男錢緡各五百貫匹布一  
百匹米麥共二百石以父歿王事故也

夏魯奇天成四年鎮遂州軍府將吏上言以節度使到任以來  
有善政七條以安百姓奏勅魯宣力兩朝統戎三鎮居富庶之  
地無奢侈之心上為國家下安生聚每行公道全塞倖門儻非  
大洽人情詎致遠聞余听有此為作宜示褒稱仍下諸州令各  
知委時孟知祥董璋據有兩川魯奇僻居南鄙董璋之叛于知  
祥攻遂州旬月援路斷絕兵盡食窮知其必屈乃自刎而卒上  
以盡節王事聞其死也慟哭久之給其家錢百萬緡千足粟麥  
等贈大師封齊國公

長興元年正月贈故灵武行營馬軍指揮使刑彦洪男恩進錢  
緡米麥以其父歿王事故也

十二月奏州奏堯山彭奕四世義居乞改鄉里名誦從之己未  
滄州乾符縣人張建立乾寧割股治母病母卒割心瀝血祭辦  
髮跣足廬于墓所三十年勅旨以其鄉為李友鄉和順里

二年九月登州黃縣人苗珣四十義居宜改為和孝鄉邕順里  
十月棣州渤海人刑釗四世義居旌表門閭

四年正月丙戌磁州武縣崇禮鄉萬善里人馬肇三世義居旌



表門間仍改崇禮鄉為崇孝鄉萬善里為和慶里

九月青州奏登州黃縣累世義居人王義雲下所司旌表門間所司初言自喪亂已來亡旌表令式雖載條目別無制度時有明經生王守誠者即義云之孫自言累代義居令鄉里尚有載初元年旌表門間見在載初中卷奏臣遠祖六代同居有白雀佳木之瑞其旌表門間楹下本州奏牒以聞即詔房知溫遣書工至義雲鄉里畫門間以進所司方得安行

末帝清大二年七月鎮州元氏縣文成縣七義里民曹重興七世義居孝義聞于鄉黨詔文成鄉改為仁孝鄉七義里改為旌義里仍令本道依令式旌表門間其曹重興宜授本府不赴任文參

十月晉州臨汾縣平陽鄉聖泉里民宗連同縣原隍鄉百社里民劉環累世同居義聞州里詔改平陽鄉聖泉里為敦俗鄉崇仁里劉環改為廣孝鄉永和里仍令本道版署文參之名

晉高祖天福元年閏十一月壬午勅應自起義兵以來或盡節捐軀歿于王事宜加褒贈兼恤妻孥俾義激于忠貞庶感洽于函頭二年四月丁亥制曰過榮陽而因思紀信留夷門而尚想侯羸著高義者猶足歎加蹈忠節者固宜旌賞事資激勸恩在褒揚梁故滑州節度使王彥章勅命當時致身所事稟千年之生氣流百代之令名宜令超贈大師子孫量才叙錄

六月宗正卿石光贊奏昔周武王奄有天下過商容之間必軼見比干之墓即封蓋褒寵賢良尊崇節義伏惟皇帝陛下顯膺天命開創鴻圖解網行仁救時順動樂業不知于帝力悅隨但听于山呼盛德難名大平可待臣伏見榮陽道左有萬石君廟



本前漢大中大夫石奮之廟奮有子四人各二千石祿景帝曰  
入臣尊寵畢集其門故號萬石君德行懿績備列前書唐大中  
十三年鄭州司馬石貫稱裔孫刊石廟廷備紀其事伏遇皇帝  
行幸浚郊經過榮水展義以聞于岐路覃息宜布於函明其萬  
石君廟伏乞俯弘霑澤特降封崇俾光遠祖之徽猷益茂我朝  
之盛典勅漢大中大夫石奮德盛軒裳道光簡享万石休明之  
祿成一門忠孝之名彰茂實于前脩契興隆于景運宗正卿石  
光贊特上章疏欲示封崇冀表深源式昭豐祚宜贈大傳

七月詔曰東都奏留守判官監左藏庫李遐當張從賓作亂之  
際強李彥珣強取錢帛李遐稱不奉詔曰安敢從命尋遇害朕  
以李遐讀古人書持君子行攻吾食淡承家不墜于素風激濁

揚清歷官咸推于貞操昨叛臣猖蹶兇黨憑凌而能守正不回  
臨難無惧忘身殉節雖死猶生若無優異渥息何以光揚忠烈  
仍聞母老子幼鄉遠家貧宜超贈于華資兼賞近于嫡嗣是覃  
漏澤慰彼沉寃可贈右諫議大夫其母田氏封京兆郡大君所  
有子孫俟服闋日量才叙錄朝廷雖已特支救接錢帛粟麥其  
本官賻贈物色宜依常例指揮仍長給遐在生官俸祿終母一  
世噫朕以薄德屬茲多難致害忠良實多軫側以子之俸終母  
之年用表盡傷俾慰存歿布告中外當体朕懷

是月又以東頭供奉官王思勳賫詔撫慰河陽為張從賓所害  
制曰思勳早承家廕爰列內庭奉王命而不避顧賊衆而無惧  
宣揚朝旨勸諭兵師遂被兇徒橫加殺害而聞厥父抱疾其家



甚貧不有旌酬何彰忠烈可贈左武衛大將軍仍以思勲旧請  
俸祿終王元正一世思勲男侯有長成者量叙錄兼令所司厚  
給賻贈噫以子之俸終父之年足表渥恩以慰存歿布告中外  
咸使聞知

四年正月尚書戶部奏深州司功參軍李自倫六世義居奉勅  
准格處分按格勅節李文義旌表苟存虛濫不可褒稱必在累  
世同居一門和穆尊卑有序財食無私遐邇欽承鄉閭推伏州  
縣親按驗狀迹殊尤檢覆既同准令申舉方得旌表當司當本  
州審到鄉老呈言等自倫高祖訓訓生繁繁生則則生忠忠生  
自倫自倫生光厚六從兄弟同居不妄勅以所居飛鳧鄉為孝  
義里孕聖里為仁和里仍准勅旌表門閭自倫委吏部以本道

一官注擬

閏七月丙子尚書戶部奉自倫義居六世准勅旌表

門閭先有登州義門王仲昭六代同居其旌表有廳  
事步攔前列屏樹鳥頭正門閭閱一丈二赤三柱相去一丈柱  
端安瓦桶墨染踰鳥頭築雙闕一丈在鳥頭之南三丈七尺夾  
街十有五步槐柳成列今奉此為例則令式不該勅王仲昭正  
听鳥頭門寺事不載令文又無勅命既非故事難續大倫凡創  
業之朝求理是務靜執守常之本動為經久之期志在激勵人  
情永孚王化據自倫之家守立實輝時風依仲昭之語便行何  
成世範至于問古官于鄰子得墜典于伏生以昔方今彼與此  
異宜從令式只旌門閭于李自倫所居之前量地之宜高其外  
門人安集襍門外左右各達一臺高一丈二尺廣狹方正構臺  
之形巧以白泥四隅染赤其形列樹植隨其事立使不孝者見  
以悛心不義者聞而易行豈獨榮于趙國實亦光  
于晋朝廣黔黎永標青史其同籍課役一准令文

十月故房州刺史李廷誥贈大保張從賓虎牢之乱没于王事  
故也

十二月丁未趙郡民曹興義居七世表其門閭

五年七月己巳詔曰故銀青光祿大夫檢校左散騎常侍兼御



史大夫賈仁昭頃自內庭出自外戚李金吾寘而猜忌故漢筠  
和佞而貪殘竟懼塗地之殃誠甚嘆息爰示漏泉之澤用表褒  
崇必有貞魂欽此茂典可贈左衛將軍又曰故安州馬步軍副  
都指揮使桑千威和指揮王萬金成彥溫等皆精武畧咸著軍  
功或列偏裨或嘗屯戍當姦臣之叛國或執節不從全烈士之  
徇名或銜冤而死實興永歎宜示追崇或列部符或并環衛賁  
諸凶壤彰彼明誠千可贈峽州刺史萬金可贈左監門衛將軍  
彥溫可贈左千牛衛將軍

六月辛亥磁州武安民郝平義居五世改所居武成鄉為興孝  
鄉崇福里為光和里仍旌表其門閭

六年十月壬寅詔曰唐世中玘賢臣挺生凜然英風迴冠千古  
不有典冊曷旌忠良唐梁國公狄仁傑稟五行正氣聳九諫直  
聲鼎祚移而復安黔庶否而獲泰惠流河北名振寰中惟爾事  
君無愧臣節用光遺像式示明思筠簡室函著周官之貴位貞  
魂英爽煥魏土之靈詞歆是寵佳永光緹素可追贈大師仍令  
所司擇日備禮冊命

七年閏三月辛丑旌表陳州西華縣人張厚門閭仍改禮教鄉  
為孝義鄉株林里為和順里厚家四十餘口五世聚居家門雍  
睦鄉黨稱之本州以聞故有是命

六月戊午勅故襄州元隨都押衛王令謙贈中州刺史押衙潘  
知麟贈順州刺史令謙于知麟早事節度使安從順歷教鎮從  
進臨漢上所為多不法令謙每諫之及萌逆節教形讜言會從



進予引起自宮苑副使省父至郡郡有山寺弘超率令謙登賞酒酣臨峭壁使人推落誣云令謙因醉投崖而死皆從進之意也知麟相次遇害朝廷聞其事故有贈典旌其忠也時詔旨仍委高行周候收復城地訪覓兩家骨肉切知撫安具以名聞當興錄叙潘知麟本貫陝州兼本處如有親的骨肉亦並錄奏少帝開運元年勅曰故淄州刺史翟進中不穀不德營丘叛予陷尔厲階力屈遇害念茲忠惠實用盡傷蜀主恕其黃權魯恭誅其卜國皆非罪也吾將贈之用慰貞魂宜頒漏澤可贈左武衛上將軍

曹敏蔡州汝陽縣荆河鄉蘇村人數世義居鄉人耿温等五十人論奏請加旌表勅旨荆河鄉宜改為孝義鄉費鄭里改為

仁和里

二年勅孟州奏河陰版籍鄉謝明里義居百姓王均宜改版籍鄉為孝悌鄉謝明里為積慶里准格文分處

漢隱帝乾祐三年春汝州防禦使劉審交卒汝為近輔號為難治審交盡去煩弊無擾于民百姓歌之及卒郡人聚哭于柩所列狀乞留葬本州立碑起祠以時致祭本州以聞詔曰朝廷之制皆有舊章牧守卒官比無贈典及其或政能殊異惠及能蒸黎生有令名沒有其遺愛褒賢獎吉豈限彝章可贈大尉吏部所請宜依

周太祖廣順元年八月契丹遣函州教練曹繼筠護送趙瑩喪柩至其家制曰利祿先死者而後生者則民不偕先亡者而後



存者則民可以托聖人垂訓于我同心因嗟既歿之賢俾舉追崇之典晉故中書令趙瑩行高言善性達心平鼎號函牛斯為重器劔稱斬馬可謂靈鋒遺清白于子孫行忠信于貊蠻斷魂外境歸骨中華于是蠱傷載深軫悼俾贈三師之秩以伸一去之悲可贈大傳

二年三月乙丑故控鶴指揮使郭超贈鎮海軍節度使從曹英攻兗州用命流矢而卒

四月乙未供俸官蓋繼明自樂壽來言齊州兵作亂之日只有鎮州雄勝都頭楊肇十將李鐸二人部署兵士登城守禦遂保安城池詔褒之

五月大祖平兗州乃下勅曰閻引魯崔周度義死臣禮加三等所以滲漏而責黃泉也爾等貞節昭彰正容肅厲以從順為已任以立義作身謀履此禍機併罹寃橫宜申贈典以慰貞魂引魯贈驍衛大將軍周度贈秘書少監

六月壬子以故虎捷左第三都指揮使景進贈靜江軍節度使故虎捷第七都指揮使杜珣贈清武軍節度使皆軍興兗州時沒于王事也

三年五月戶部言濟州金鄉縣民索脩已陳州項城縣常貞皆散髮跣足守墳本州以聞戶部以赦書節文孝子義夫所宜旌表以厚時風勅宜依令文施行

顯德元年正月丙子朔赦文自開創已來諸軍將校死王事者軍使都頭已上並於追贈已追贈者更追有親嫡子孫量才錄



用

世宗以顯德元年正月即位二月詔諸軍將校自開劫已來有沒于戰陣及身死疆場者並與追贈如有親嫡子孫未曾錄用者並于錄用

七月辛卯制曰故輸忠翊戴功臣鎮國軍節度華商等州觀察處置等使兼河東道行營先鋒都指揮使檢校大保史彥超嚴能齊衆武可摧兇振鐸號軍伸其膽勇登鋒捍寇誓以身先昨北戎阻兵同惡相濟爾乃力排群醜体重中瘡雖虜騎以大奔而將軍之先歿衽金革而強剛已矣听鼓擊而傷嘆如何言念純臣宜有褒美俾贈于崇秩用報慰于重泉可贈檢校大師

三年二月庚辰贈故右金吾衛將軍蕭處仁漢州防禦使處仁  
惡漢之間由通事舍人歷閣門客省之職而昇于環衛繼護兵于外頗有聲望帝率兵渡淮以為先鋒兵馬都監攻陷滁州日為流矢所中而卒以其沒于王事故優其贈典

九月庚寅朔辛卯贈故濟州刺史李實睦州防禦使贈故蘄州刺史解行德防禦使贈故引進使王演大府卿皆以淮甸之役歿于王事故也

六月贈故華州節度使史彥超為大師先是大軍至河東城下契丹營于忻代之間遙應賊勢詔天雄軍節度使符彥率諸將屯忻間以拒之彥卿襲契丹于忻口彥超以先鋒軍追蕃寇離大軍稍遠賊兵代殺為賊所陷世宗痛惜久之故有是命



新刊監本用所元龜卷第一百四十一









